

Bèssemgezèt

Gezèt vur alle karnevaliste van Laoneke

Veerenvieftegste jaorgaank **2026**

BANG!

Gratis en vur niks ien Groet-Laoneke.
Kospries boete Laoneke: 11 kier eine euro
(allein betale mèt de baankkaart ès touwgelaote)

Gedrök op èllefdoezend-en-èlef stöks.
PDF-bestaand van dees gezèt op vraog te verkriege:
bessemgezèt@telenet.be

Onder auspicië van de
Raad van Laon tot Aoke
WWW.DERAODVANLAONTOTAOKE.BE

Preens Jürgen II en de Raod van Laon tot Aoke

5



Garaasj Calisi oet Smaermaas zörreg ouch dit jaor wir vur de preese-óto. Sjik gebaar en harstikke bedaank Mario en Daniëlle!

Den aaftrap op dónderdeg 12 fibrewari
Senna I en Junaut I
opene karneval 2026

9



Zóndeg 15 fibrewari
Karnevalsstoet Laoneke

20



Iech, zijne doorslöstige Hoegheid

Preens Jürgen den Twiede

51ste Preens van het Hekseriek Laoneke

bin aangestèld tot Preens van Laoneke, door de drei Wijze van de Raod van Laon tot Aoke, Aajd Preens Gunter Claessens, Martijn Caubergh en Roger Barthels. Zij höbbe miech ónmiddelèk e paor sjoen ieretitels mètgegaave:

Alleinhierser

■ van de Greun Hierlekheid Laoneke ■ Keuning van alle Laoneker vastelaovendsgekke en dat vur enen tied van get minder as ein jaor.

Iech bin ien Laoneke ouch gekind as:

■ Preens van Groet-pietersheim en de Merodelaan. ■ Baron van alle Laoneker darters ■ Ridder van de trómmelkorpse en trómmelaers ■ Ambassadör Joenaaited Steets sectie Wiemesmer ■ Kermelle-sjeeter van de Bèssemkaravaan ■ Besjèrremhier van de kinderschmeekers ■ Femiliemins gerich op preesetradisies



2026-2027

Senna I en Junaut I



CARWASH CARLISI

Maaseikersteenweg 235 • Lanaken
T. +32(0)89 71 36 57

CARLISI
www.carlisi.eu

FASTFOODONThEROAD BENELUX B.V.

FOOD & BEVERAGES & MORE
+32 - 485 - 291 666

Bel of mail-nu! **+32-485-291666**
info@fastfoodontheroadbenelux.com

www.fastfoodontheroadbenelux.com

- Food-Trucks
- Frietwagens
- Snackwagens
- Pizza-Pasta-Wagens
- Tapwagens
- En nog veel meer

100% BEST SERVICE
QUALITY IS OUR SUCCESS
100% QUALITY

OPGEPAS:
dees Bèssemgezèt steit gaans vol met flawwe käöl, sjaele zeiver en Fake News.

MÈT GRATIS POSTER
kiek binnenien



Beste karnevaliste,

Ger höb 'ze' wir in uch han, de prachtege Bèssemgezèt, vol sjaele zeiver en flawwe kwatsj! De redaksie haet wir zen oeterste bès gedoon um 'r e sjoen exemplaar van te maoke! Wel ien een get aander pepiersoort dan ver gewoon zien, goddaank weijer ien kleur! Vur het voortbestoon van de gezèt höbbe ver mótte snoeije (zaet den tuinmaan) ien de kwaliteit van het pepier. Dat de tradisie weijer kin goon haet ien alles geprimeerd.

De hoegdaag van de vastelaovend stoon wir vur de deur met as apotheose de stoet op zóndeg 15/02 door de straote van Laoneke!

Op deensdeg, de traditionele heksevenbranning um 23h11 oor aan het gemeentehoes.

En echt afsleete doen ver pas op asgoonsdeg met het hieringbiete! As veurzitter van de Raod van Laon Tot Aoke bin iech dan ouch hiel fier op het hiele redaksie-team van de Bèssemgezèt ónder leiding van Jean Pierre Hermans! Tenslotte wil iech alle karnevaliste ne geweldige vastelaovend touwweense. 'Laoneke' laot karneval ein groet fles zien, maoke plezier en geneet tevaan. Leve de karneval.

Iech höb gesproke,
ALAAF, ALAAF, ALAAF!
Erwin Cauberg
Veurzitter Raod van Laon tot Aoke



Redaksie kreeg bezoek van 'n jóng pöl

Op de lêste redaksieraodsvergadering kouw Laura Olaerts eve kieke hoe wiet ver stónne met de op-maak van de Bèssemgezèt. "Ver vertrèkke van 'n wit blaod ... er ès dus niks te zien", aldus óze hoof-redakteur. Op de foto van leenks nao rechts: Achiel Geurts, Eddy Meuris, Jolien Briers, Roger Barthels, Luc Prevaes, Joeri Veugen, Pieter Raskin, Jean-Marie Meeuwissen, Jean-Pierre Hermans, Ivo Smets en Jean-Luc Florens. Op het computersjerm steit Gunter Claessens mèt Bellemaan Jef Janssen. De jóng pöl (oeterst rechts op de foto) ès Laura Olaerts (de ieregass op de veurstelling van de Bèssemgezèt 2026).

WÄÖRDSJE VAN DE REDAKTIE

Men leef luij, heij ès dan vur uch de Bèssemgezèt 2026. Ze zuut 'r get aandere oet. Ver höbbe jare gratis pepier gekrege van Sappi, mèh dèh luxe ès met de sleting verlijen tied. D'r ès gezeuk nao e goodkouper alternatief mèt aander pepier en ene aandere opmaak. De Raod haet beslote um kós wat kós de traditie van de gezèt ien staand te hawe en dat siert hun. Vaer zellef kieke oet

nao wat het gewore ès, nao ienhaid en nao vörrem. De redaktie haet 'r hael aan gewèrrek! Völ laes plezier names Luc Prevaes, Eddy Meuris, Roger Barthels, Pieter Raskin, Achiel Geurts, Jos Janssen, Jolien Briers, Ivo Smets, Jean-Marie Meeuwissen, Gunter Claessens, Jean-Luc Florens en Jean Pierre Hermans. Ouch vur de foto's e woord van daank aan Fotolink mèt Ronny en Suzanne.

De complemeente aan Jack Pietermans, drökker, dèh ouch op zeuk ès gegange nao e goodkouper alternatief!



Wat goeje ze heij nouw wir nao binne?

Het ès al jaore de gewoente um op de veurstelling van de Bèssemgezèt ene VIP oet te nudege um het woord te voere, ien het dialec, umdat ver dat hiel belangrek vinde. De sjikste en sympatiekste speech oet het verleije kaom van Jan Peumans, douw veurzitter van het Vlaams parlement, dèh op z'n Peumans-meneer, effekes Marino nao den troen stook. Jan ès ien de keersdaag ouch de veurzitter van de jury bij het VRT-program 'Vrede op aarde'.



Dit jaor ès deputé van de provincie Limburg Laura Olaerts ien Laoneke neergestreke.

Laura haet as deputé de Limburgse bevoogheid euer ónderwies, toerisme, mobiliteit, natuur, milieu, waoter, bos, veiligheid, het PLOT, diere-welzijn... 'ne mins vreug zich aaf euer wat nit? Laura haet bès bande mèt Laoneke. Ze ès woenechteg ien Zietendaal, her ma ès afkumsteg van Kèsselt, de kweekbak (iech bedoel nit mèshoup) van polletiek talènt, weij ze zègge....

Laura laot h'm goon en laot dich nit doen door de börre-gemeister!

Bak van de Bèssem - Stijn Franssen

Sóms zuuste minse loupe en in een fractie van een secón höbste "HET" gezeen...dèh haet het vastelaovesbloed ien zen aojers. Zoe'ne mins be-loene ver eder jaor ien de Bèssemgezèt mèt "de Bak van de Bèssem". Mèt Stijn Franssen höbbe ver dit jaor wir enen dikke vès gevange, ene karnevalis ien hart en nere! Stijn ès aafkumsteg van Wézent: het ès eine van Sjo Bèr weij ze dao zègge. Dao kin gei fles of bal zien of Stijn ès van de partij, saome met z'n vrun van "De Twiefeleire". Dèks ien vol ornaat met zenen Tweifeleire-steek op de kop. Aan het begeen van den aovend steit dèh steek sjoen rech op zene kop. Meh jus vur het nao hoes touw goon, vröög zich ederein aaf weij dèh steek op zene kop kin blieve (rech)stoon.

Stijn haet ouch altied aug vur de thoosblievers. Wat er ouch gebäört, Stijn guijt z'n eige belafenis live op zene Face-



book, zoedat ederein, geliek hèrzellef kin mètgenete. Vur z'n filmkes geldt trouwes hetzelfde als vur zene steek: wie laoter op den aovend, wie sjei-ver de vloer, de waereld. Ouch bij z'n fillemkes móste dene GSM al ins oet de waoterpasstaand hole. As peuntje bij pölke keump, dan ès Stijn, saome met z'n Twiefeleire, ene gaere gezene gas bij eder vereining. Her haet altied lol en plezier! Stijn: Geneet van dene bak beer dèh dech met alle plezier gesjoonke weurt en zoewiezoe tot op het vollegende bal!

Men leef luij, bèste karnevaliste

Binne 20 jaor! Dan zien jeugpreense Senna I en Junaut I en groete preens en prinses Jürgen II van Laoneke. Het hekseriek weurt dan bestuurd door eduo - ene vènt en een vrouw - en die lêste geit dan hiel zeker de ierste vioel spele!!!

Ien het gemeentebestuur ès ierste sjepe Astrid Puts dan al hiel lang börregemeister. Häör ierste actie ès het karnevalssezoen oetbreije tot e gaans jaor en de Bèssemgezèt geit eder waek versjijne. Deij gezèt keump dan ien de plaats van de 'echte' gezètte en het L-magazien. Dialec weurt de verplichte voertaal en vur deij wat allein mer AN spraeke kómme faciliteite geliek ien Brussel. Dat wilt zègge dat 'r op ederen deens nog wel iemes aanwezig ès dèh AN versteit! De Sjenge maoke ónder-tösse de mierderheid oet van ós bevolleking. Willem-Alexander en Maxima weure dan hiel populair name ien Laoneke. Het portrèt van keuningin Amalia seert de raodsaal en het Wilhelmus weurt gezóng bij het begeen van edere gemeinteraod. Ien Amerika ès Melania president "making America beautiful again" en Donald Trump reup



vanoet den achtergrond "I'm still the greatest" boe-op Melania repliceert "Shut up, you dirty old man!". Binne 20 jaor ès karneval nog altijd super

populair en weurt de Laoneker karneval op de nationaal TV-zenders oetgezónde as een evenement van groet nationaal belang. Ger huurt het en ger laes het, bèste minse, karneval blijf de hoegmès en het volleksvermaak en alle generaosies vere hiel enthousiast mèt! Het Laoneker karneval "lives forever"! Iech höb gesproke!

Preens Jürgen II Alaaf!
Jeugpreense Junaut I en Senna I Alaaf!
Raod van Laon tot Aoke Alaaf!

Orde van de Bèssem

Dit jaor geit de 'Orde van de Bèssem' nao Willy Stöcker van het Cultuurcafé. Eder jaor mèt de karneval transformeert her, saome met Lupe, zene café um tot ene prachtege heksetempel. Vur de dolle daag beginne zien 'r al versjillende karnevalsvereininge deij bij häöm terech kinne, um dao de prevastelaovend ien te zètte. 'Jus te Nève' mèt ze frühsjoppe, 'Sjut Ien & Zoep Oet' mèt hun geweldige manezitting. De keers op de toert geit toch wel nao den 'Alaaf-trap' op dónderdeg, boevan de opbrings nao het jeug-



preensduo van Laoneke geit. Vanaaf dan starte ouch de 7 dolle gekke daag ien den heksetempel. Ene mins dus mèt e hart vur de karneval. Proficiat en bedaank, Willy en Luppe!

PIETERMANS
MEER DAN DRUKWERK ALLEEN...

Wolfstraat 1 - 3620 Lanaken • +32 (0)89 714350
info@drukkerijpietermans.be • www.drukkerijpietermans.be
Postbus 2715 - 6201 JA Maastricht

KBC BANK

Molenweideplein 60
3620 LANAKEN

verzekeringen DELWAIDE

RPR Antwerpen
Afdeling Tongeren
0423.312.750

Koning Albertlaan 87 - 3620 Lanaken + 32 89 71 49 69
info@delwaide.be • www.delwaide.be

GOBO
Transport & Logistics

Tongersesteenweg 53 • Lanaken • 089 71 00 70
www.gobo.eu

HORTA LANAKEN
Bedrijfsweg 6
3620 Lanaken
Tel 089 76 02 66
www.horta.org

Tuin Dier Barbecue

HET JAOR VAN SJANG

Zoe, de ierste maond van 2026 ès vurbijgevlage. Vur de Bèssemgezèt waar het vreug daog. Vur de gemeinteraod waar het ien december bekans daog. Een verhitte discussie ging euver het mierjaoreplan, de VZW Pietersheim, zoe good as euvralles. De peuntjes woorte op de i gezat. Het beleid vur de vollegende zès jaor ès vasgelag en "ONS vaodere haet het gèld op zenne ruster getèld".

Hoera, de raekening klop zónder belastingverhoeging... Hiel vääöl subsidies woorte druug gelag, alle deenste van de gemeente waere wel deurder, aangepas aan de indexstandaard. As het allemaol nog nit èrreg genóg waar, nao de sleting van Sappi ès nouw Celanese aan de beurt. 2,2 miljoen euro goon ver mankere ien de gemeintekas. Marino prebeert de raekening te doen kloppe op de kermès ien het Lunapark op de gèldótomaat. Het zal nuddeg zien. Ien



alle gevaal op den technische deens pakke ze de zaake serieus aan. Nit ien het snoeije van de financiën, wel van de buim, get te drastisch... "Teròksneije tot op den hëllef" waar de opdracht. Ze mochte wel tebij gezach hóbbe dat het ien de hugte EN de breijte deende te gebäöre. Iech vrees dat het beeld van ne have boum teikend weurt vur de touwkóms van Laoneke. Het zal zès jaor e getouwtrèk waere tösse mierderheid en oppositie. Ne slimme uil en den duvelse duvel ligge op de loer! E good 2026!



Ne slimme uil en den duvelse duvel ligge op de loer!

Fraude bij het iengangsexamen op den Technisse Deens van Laoneke

'As het reigent ien Brussel, dróppelt het ien Laoneke.' Nao de fraude op het iengangsexamen vur Dokter ien Brussel, zow er nouw ouch gefoefeld zien op het iengangsexamen vur de job van de laeve, op de Laoneker Technisse Deens. Wal nit op de compioeter, want dat kin de gemeente nit betale. Gewoen sjriftelek examen dus op gerecycleerd papier van de Sappi.

Veertien kandidate waore op het appèl versjene, al of nit mèt een kroukaar, deij pas d'rnao mog gebruik waere. De lat laog biezónder hoog. De gemeente kin niks doen mèt labbekakkers deij het versjeel tösse een koo en e paerd nit kinne. 50 % op het theoretisch examen waar nuddeg um door te goon nao de praktische proof.

Twie deilnummers zien dirèc boetegegoeij, umdat ze zèl-lefs de naam van de buurmaan hawwe aafgesjreve. Twie hawwe vergaete um hunne naam ien te vólle. Eine waar hiel good gebeech en haw Marino

Keule as naam genoteerd. Eine dach de plezaante oet te hange en sjreef op ze blaod: "Wat ger miech heij nouw vraog, dao wèt ger zellef niks vaan!" Mèt zoene arrogaante dwaersköp kinne ze op de gemeente niks beginne. Van deij hóbbe ze al genóg. Eine kós niks ienvólle, h'r haw geine stylo bij. Ein medam waar mèt h'r vrindin aan het belle weijste appelkompót mós maoke. Dreij maan waore de antwoorde aan 't zeuke op hunne GSM en mochte besjikke um noets mie terök te maoge kómme. De euverege dreij, stök vur stök gooj jón-ges, waore gebuis. Gevolleg? D'r keump e nij examen! Vur alle veiligheid kregde de kandidate get vraoge um thoes te oefene.

Vraag 1:

Het haet fleenk gevore en ger mó't de nach ien mèt de struijploog. Wat gaot ger op de waeg goeije?


- A Sokker
- B Wèrrem waoter
- C Zaaijd
- D Niks, want binne e paor daag geit het toch doeje.

Polletiek

Polletiek ès e toch e eigenaardeg, koddeg bieske, vur de lèste verkezinge deeg greun mèt aan 't fieske! Ze wage dow èrreg zwoer door ien de mierderheid, de lèste kier vlogte ze trök nao de oppesieminderheid, dat deil van de gemeinteraod dat niks te zegge haet. Ien hun vurrege positie hóbbe ze venalles kinne doorvoere, weij den aanlèk van 't voedselbos en nog van deij toere. Vraemp genóg hóbbe ze nouw as oppesie presies mie mach, want euveraal ien Laoneke, boe oets een parking waar aangelag, zien ze now gaanse stökke aan het óntharde en vergreune. Zowwe ver dan toch nog bestuurd waere door de greune?



Piet en Jean-Pierre benutte eder memeent um het mierjaoreplan grondeg te analisere.



Bingo! Ver kinne wir effe te tege met de gemeintekas.

Vraag 2:

Het haet hiel hael gereigend en haaf Laoneke ès wir ónder geloupe. De luij smeke um zaandzèkskes. Wat gaot g'r dao-ien doen?

- A Semeent
- B Kiezel
- C Zaand
- D Gewoen opbloze!

Vraag 3:

Ger mó't è koet grave vur e verkiersbord te plaante. Weij doot gèr dat ?

- A Met den han
- B Met een sjöp

- C Met ne hiele groete kraan
- D Stay easy, effe aafwachte, messjien deit ne aandere dat wel!

Vraag 4:

Ugge collega haet per óngelök zen haand aafgezaeg. Wat nouw ?

- A Onmiddellek terök aanzette mèt secóndeliem.
- B Gèr brink h'm nao hoese bij zen vrow. (Zeker zen haand mètpakke!)
- C Niks, het ès zien eige sjöld
- D Ger belt den ambelaans



Orde van de Karnevalis

NICOLE HOUBRIX

De orde van de karnevalis weurt oetgereik aan iemes mèt een actieve bijdraoge aan de Laoneker karneval en aldus e groet hart dreug vur de karneval ien Laoneke. Dit jaor veel de kääs op Nicole Houbrix. Nicole ès al een ieuwegheid veurzitster van de jaorege Doorbieters. De 'Doorbieters' bestoon dit jaor al 3 x 11 jaor en dat wilt toch wel gèt zegge ien het hedendaags vereinigingslaeve! Nicole, as veurzitster, haet zeker häör verdeenste ien dit jubileum!



Nicole, diech deis dat good en de maogs dat zeker nog 1x11 jaor wijer zette. Vèr as raod wille diech bij deze ien de blumpkes zette mèt de Orde van de Karnevalis. **Proficiat.**



ZAKENKANTOOR MARTENS & RIND DE NOTARPIETRO
VERZEKERINGEN • BELEGGINGEN

Kerkstraat 5 bus 2 • 3620 Gellik-Lanaken • Tel. 089 713914



Tekenbureau
Lenaerts Jacques
Bureau voor nijverheidsstudiën

Bessemerstraat 399
3620 Lanaken (België)
Tel.: 089 73 15 49
GSM +32(0)476 54 53 66
jacqueslenaerts@telenet.be



Danny Peusens

CENTRALE VERWARMING • SANITAIR

WARMTEPOMP • AIRCO

+32 472 07 47 12

BEINSupport

Light, sound & DJ

+32 499 62 38 35
Beinsevent@outlook.com

De Bèssemgezèt venaaf nouw gedrök op hiel aander pepier



Het breefke van 50 euro ès zo goed as vaerdig en kin ien produksie.

Het zal niemes ontgange zien, mèh de Bèssemgezèt ès gedrök op aander pepier. Volleges Jean van de Poep oet Rèkem zien ze ien Laoneke aan het bezuinige. Volleges boer Bienens oet Gèllik maoke ze gein pepier mie in pepierferik Sappi en mós de Raod oetkieke nao aander pepier. Volleges Hans Aanders oet Laoneke waor het pepier te glaanzend en nog aandere hadde nog aandere meininge en opmerkinge.

Allemaol niks vanaan! De waarheid ès gewoon dat e paor maan van de redactie op zeuk waore nao het zjus-te pepier vur gèld te kinne drökke. Drökker Jack Pietermans haet ós fleenk geholpe en ès de hiele waereld aafgereis. Gesjik (én gooie koup) pepier woort gevonne ien Peking. Het drökke van gèld ès dus gein probleem ... allein dat zilvere strookske aanbringe ès potverdorie lestig.

Aw oetspraoke ien e nuij klèdje:

- “Weij de jónge nouw hange, hóbbe vèr nog noets gehange”
- “Oos wes, blief bij de mam, das good vur den tes!
- “Wèh een koul graaf vur enen aandere, ès zeker geine gemeintewèrrekmaan!”
- “Enen appel op de grond ien het voedselbos lik zeker nit ónder ene proemeboom!”
- “Ouch al dreug ‘nen aop ‘ne gouwe reenck, de kins nog altied bórregemeister weure!”
- “Het ès as geld nao het gemeintehoes draoge!”
- “Dao zit e Marinoke ónder het graos!”
- “Besjeieheid seert de mins!”
- “As de trajecontrol ónwètteg weurt verklaord, dan zien de raope gaor!
- “Op den technischen deens wèrreke ze zich kepot um den ónderste stein bove te kriege, zónder de boveste aan te raoke”!
- “Op ene goje gemeinteraod haet Erik de bokkepruuk op!”



Bèssemkeukskes
Ze zien ‘r wir ... de lekkere Bèssemkeukskes. Óndertösse zien ‘r al ‘n aantal luij die er aan verslaaf zien. De Bèssemkeukskes vlege immers aan ‘n hoeg tempo de deur oet! Gaank dus rap nao ugge bekker!

DE ROEJE JAAK

Laoneke haet wir e stökske errefgood mótte ienlievere. Nein, de Paterskèrrek van Aajd-Rèkem ès nit iengestort en ouch de Waoterburch haet den tied euverlaef. Wel ès ‘r een definitief streep getrokke door het bestoon van Café Maasvlei ien Herbrich. Nao 105 jaor bewoening door de familie Smèets, haet Rudi ien 2021 de deur en de oetbating vur altied geslote. Vur de zoevölste kier waor het geweld van het Maaswaoter sterreker dan de krach van de mins en stin de Café ene meter ónder waoter. Trop ès genóg en de mood vur een zoevölste herstel en de heropening van de café waor ‘r nemie. Verleije jaor, ien 2025, ès het gelaeg Smèets aafgebroke en keump het nouw zeker ne-



mie trök! Jaorelaank ging iech al ins fitse langs de Maas en de vaste tössestop waor altied bij oetbater Rudi. Miestal ging iech vur super-naf, ‘nen doonkere Leffe. Rudi, ene supervreunteleke mins, haw altied effe tied vur ene babbel. Rudi as cafébaas waor e fe-

nomeen mèt het geheuge van Einstein! Zónder pen en pepier kós ‘r spelenderwijs de bèsteling van de klaante ónthawe. De bestèlling stin binne de twie minute op de taofel. Ien zen tes zaot get kleingeld en ien ene vloek laog ouch nog het wisselgèld op taofel. ‘ne Straffe kaerel! Ien de zomer waor ien de buurt een zomerbar, dus aan draank ès gein gebrek, wel aan de gezelleghed en awwerwètse charme van ene spontane vreunteleke mins oet de lokalen horeca. Geliek Rudi, zoe maoke ze geine mie! Op pensioen goon in zene eige café, dat ès spieteg genóg nit gelök. Vurreg jaor ès de opruiming van de Maassite ien Herbrich wijer gezat. Vurluipeg ès ‘r nog

ein koppel mèt Jo Eurlings en Mariet Wevers, deij stoer en vasberaoje laeve hawe ien Herbrich umdat ze vur de paerd gein aander plaats hóbbe.



Aste de vastelaovend zouws vergelieke met de finale van de waereldbeker voetbal, wat zou dan het erregste zien dat dech kós gebäöre? Inderdaad: ien de volle veurbereijing geblesseerd geraoke en oetvalle! En dat ès jus wat Aajd-preens en raadslid Peter Castermans verleije jaor ès euverkómme.

Wat waor gebäörd?
Weij eder jaor ging Peter vol goje mood nao de Groete Laoneker Mannezitting. Versteneg (?) as her ès, dach (?) Peter: “Iech gaon waarsjijnlek ‘e bitteke’ te vääöl drenke... dus laot iech menen oto op de oprit stoon en gaon te voet de waeg aaf. Weij het al ins geit op een Mannezitting, leep den tap raedelek hel. Correctie: lete de manne den tap hel loupe, meh ouch dat waor gein probleem, want Verstennige Peter waor te voet. Op het einde van de middeg veraanderde Verstennige Peter ien Peter-Noets-Genóg: want nao de zitting waor ‘r nog nit van plan nao hoes touw te goon... Nein, Peter ging nog “eine of twie” drenke ien de

Hoop. Douw ‘r oeteindelek nao hoes wandelde (waggelde) sloog het noedlot touw. Op het stök van den Heuvel, op ene sjuinse kaant langs het veld, mistreijde ‘r zich op ‘ne (e) kiezelstein(tje). Bij de reconstructie hóbbe ze e vergroetglaos mótte gebruke. Het verdic waor fataal! De gaanse knee aan gruzelemeente. Karneval 2025 haet h‘r mótte misse, dus haaw uch mer vas, want ien 2026 geit Peter stóbbe. Peter, vèr hóbbe nog eine goje raod vur dech.” Zuug astebleef vurzichteg!”

CARNAVALISSIMA

Ien Nederlands Limburg hóbbe ze het LVK, de Leedjeswedstrijd vur Karnevalsleedjes ien het dialec. Heij ien het Belsj deil van Limburg, spraeke ver van Carnavallissima, iengerich door LIVEKE, Limburgse VEreneging van Karnavals-Evenemeente. Versjeijene raode van èllef oet hiel Limburg, weij ouch de Raod van Laon tot Aoke, zien dao bij aangeslote. Eder jaor maog ‘eine’ van de aangeslote raode karnevalissima ienrichte. Dit jaor veel deij ier te beurt aan de Raod van Laoneke. Ien e bómvol Cultureel Centrum gove de artiste het bèste van zichzelf zien en zóng hun zelfegemaok leedse oet volle boors. Deze kier moch MIPO, oftewel Mike Posavljak, de Raod van Laon tot Aoke ver-tegewoordege met ze leedje



Paracetamol. Ene geweldige mètzingen! Nao e paor kier ‘t leedje te hure kinste al zellef mètzinge. Helaas vur Laoneke ging deze kier Hamont met den ierste pries loupe. Nit getreurd, vur Laoneke blijf MIPO de bèste. Mie nog...sins z'n deilname aan karnevalissima ès ‘r zèlles internationaal doorgebroke. **Proficiat Mike!**

Gehoord op de redaksieraod van de Bèssemgezèt



Elon Musk ...



**VERHUUR PARTYTENTEN
SPRINGKASTELEN**
GSM +32 473 61 69 50

VANDERVELDEN
ALGEMENE BOSBOUW

ONTBOSSEN EN BOUWRIJP
MAKEN VAN AL UW
BOUWGRONDEN

Middelenweg 15 - 3930 Hamont-Achel - Parijsdijkstraat nr 7 Genk
info@vandervelden-bos.be

JONGEREN
IMMO

Bouwwerken
LATHOUWERS RUDI
bvba

LANAKEN Tel. 0498 80 22 01
Fax 089 20 57 58

Preens Jürgen II

Ien Laoneke ès er mer ein zekerheid. As Nuijaor veurbij ès, weurt 't hoeg tied vur enne nuije Preens van de Raod van Laon tot Aoke. Deze kier keump h'r oet Pietersheim en zoe huurt dat ouch!

H'r hit Jürgen Meyers, h'r woent saome mèt vruijke Eva en dochter Marie op de Mero-delaan, kort bij het kestiel. Wèh wèt zit ne verhuis nao het kestiel 'r nog ien?

H'r wèrrek as... zèt uch mer effe: Quality Assurance Specialis bij het Amerikaans laeger.

Zenne sjoenste druim waar het um Preens te waere. Vureg jaor ien de zomer stónne de dreij wijze aan zen deur...

Karneval zit h'm zoewel ien het blood as ien zen femillie. Z'n ex-sjoenbroor Marc Curvers, ze sjoenbroor Jos Tollenaers en ouch ze naefke Pieter Curvers waore al preens van het hekseriek Laoneke! De waereldberoemde trompetis oet Laoneke, 't "Kuuke", ès de



peter van zen dochter Marie. Zellef haet h'r ouch al e paor kiere de Bèssemkaravaan geloupe as Einzelgänger. Bij hèm thoës, ès het ouch altied groet fies, met BBQ en draank vur bekans de hiel straot, as de stoet zen deur passeert. Zellef waar h'r veurzitter van

de awwe karnevalsgroep 'De Twie Leechkes', ajd lid van 'de Cörverkes' en ajd deilnummer bij de groete Laoneker Kroegentoch van de vreugere karnevalsgroep 'De Boelvaar'. Zen hobbies zien darten, miestal ien De Hoop, Karneval vere en weij h'r zèlf zaet: bokke laaije.

Euver zellef belafde anekdotes vertèlt h'r nit gaere. Mèh via connecties van de redactie mèt den ienlichtingedeens van de Joenaaited Steets, weite vèr óndertösse dat h'r ne hevege fan ès van Zoepet en Rowzen Hèze. Dat her gaere op e trummelke huijt en dan wel de hiel hermenie oet de maot sleug. Dat h'r op ne sjoene Peenstermaondeg ien Kanne den hielen daog haet roondgehange, geschmeenck as ne tieger.



Jubilaoris bij de raod

Dit jaor hóbbe ver wir ins ne jubilaoris bij de raod. Erik Tollenaers ès al 3x11 jaor actief. H'r ès de papa van ajd jeugpreense Herman I (1994), Mathieu I (2003) en opa van Aijd jeugpreens Dries I (2024). Proficiat Erik, bedaank vur dennen ienzat en hopelek nog e paor kier11 jaor tebeij!

As enege vrouw ien de machowaereld

Bernadette ès al jaore, ieuwe?, secretaresse van de Raod van Laon tot Aoke. As eneg exemplaar van het vrouwelek geslacht ien ene boze mannewaereld... Ze kin dao good mèt um en as het ene kier get te vööl weurt, dan geit niks bove ins effe op den tuf te springe, good gaas te gaeve door veld en wei mèt een dikke sigaar tösse de lippe. Bernadette, bedaank!



Orde van LIVEKE

DAVID

DE VLEESCHAUWER

David keump oet Wèzent... dao kin dèn erreme jóng ouch niks aan doen. Ien het jaor 2000 waar 'r preens bij de wottelzekskes. Her ès oeteindelek laoter z'n leefde en ze gelök kómme zeuke ien Laoneke. Z'n ajdste dochter Estée woort ien 2013 jeugprinses ien Laoneke en h'r zellef raodslid bij de Raod. Dao ès 'r ceremoniemeister. Dao ès mer eine binne de raod dèh zoe good mèt zene stek kin umgoon. Ien 2024 haet 'r het ónderveurzittersjap euvergenómme



van Gunter Claessens. Een feuntie wat 'r hiel serieus nump. En vur de res, umdat 'r zich anders toch mer zouw vervaele, zit 'r ouch nog ien de stoetekemissie. De Raod van Laon tot Aoke hoop nog lang met häöm te kinne saomewèrreke. Ver gunne häöm van harte de Orde. **Dikke proficiat!**

Nuij lid ien de raod – Joeri Veugen

Boe blijf de raod ze toch mèr hole? Eder jaor maog de raod zich verheuge op eine of mie nuij lede um de karnevalskaar te trèkke! Ouch dit jaor hóbbe ze wir iemes gek genóg gevónde um zich aan te slete bij dat veredeld manneclubke. Ger kint 'm allemaol waarsjijnlek wel. Iech hób het euver Joeri Veugen. Joeri ès redaksielid van de Bèssemgezèt en eine kier per jaor óntpóp 'r zich as enen doorweenterde buutredenaer op de veurstelling van dees gezèt (kiek foto). Jeugpreens Mats I van verleije jaor mótt papa tege Joeri zegge.



Dèh jóng kin dao waarsjijnlek ouch niks aan doen. Ene mins haet nouw einmaal 'ups en downs' ien ze laeve. Huugtes en liegtes weij ze ien Laoneke zouwe zègge. Eder naodeil



Nuije wijze

Met de hiel verstendege oetspraak van boer Charel van de Pannestraot, 'Veraandering van wei deit den keu good', hóbbe ze bij de raod beslote um (alwir) ene nuije wijze aan te stèlle. Deze kier veel het oug op Gunter Claessens. Gunter waar ien ze vurreg laeve de millenniumpreens (2000) van de raod. Her wèt dus boe de klepel hink of ès bereid um denao op zeuk te goon. Gunter ès ouch, zoelang 'r al bij de raod ès, de vaste prézentator (zèk mèr moulemaan) van de raod. Het ins allemaol goon oetlègge aan de nuij kandidaatpreense zal dus wel gein óneuverkómmelek probleem zien. Saome met zene 'collega-wijze' Martijn en Roger, geit 'r de zörreg op zich numme um de vollegende jaore e good preensetrio te veursjijn te touvere.

Succes Gunter!



De drei wijze

Ien Laoneke circuleert roond dezen tied van het jaor altied dezellefde vraag as zich twie Laonekenaere ien het dörrep treffe: "Wèh weurt het? Wèh ès de vollegende preens van Laoneke?"

Vur een antwoord op deij vraag ès 'r e geheimzinneg trio aan het werrek. Drei louche figure deij bij nach en óntij de doonker plaetskes van ós gemeente opzeuke. Drei figure, deep versjole ien de anonimiteit van de Raod van Laon tot Aoke, hóbbe de sleutel ien han um te beslisse wèh de nuije Preens weurt. Ze fluustere alles wat ze zègge, knikke vurzichteg, kieke zich vöölbeteikenend aan en zwiege as de doet.

De naam van de nuije preens en de jeugpreense, weurt be-

waok geliek het recep van het bèste zoervleis oet de keuke van chef-restaurateur Frans oet de Lommelse Sahara. Zellefs mèt karnevalsdrök, vlaai of een extra peent zien ze nit aan het kalle te kriege. Ze laote niks los! Geinen hint, geine knipoug, hoegstens ene geheimzinnige lach kinste kriege. Eine tip kinne ze precies nit verzwiege... de nuije preens? Het ès enen hiele goje!

En dan keump den daog van de veurstelling. Dan vilt het dook, barst de zaal los en liek het 'rop alsof hiel Laoneke het geheim haw kinne óntciefere, of jus hielemaal nit.

Ein deenk ès zeker: zoelang het trio het geheim bewaok wie 'ne pitbull, blijf het geheim ouch lang genóg veilig!



De voltallege raod ès klaar vur het karnevalsseizoen 2026. Roger Barthels waar belet vur de foto>

**Stretchtenten
HAESSEN**

Wijngaardstraat 61
3620 Lanaken
+32 477 699 635
Bert.Haesen@telenet.be

RAMEN & DEUREN

VAMA

cinema's

EUROSCOOP

FERME - GESLOTE

jemar.be
IMMO • VERZEKERING • LENINGEN

**Ver goon
tot het oeterste
vur ug hoës!**

089 77 23 20



Bessemmerstraat 2
3620 Lanaken
089 71 73 26
www.traiteurjaco.be



Neerharenweg 14
3620 Lanaken
089 72 14 61
info@traiteurjaco.be

**HB
HEIDEBLOEM**

AUTOBUS • AUTOCAR • REISSUREAU • WWW.HEIDEBLOEM.BE • INFO@HEIDEBLOEM.BE • 089/32 26 70



Smèermaos Alaaf!

Nao de veurstèlling van de Bèssemgezèt maoke ver ien Smèermaos ós nuij hoeg-löstighede bekind. De nuij preensefamilie weurt 11 daag vur Vèttèn Deensdeg aange-stèld um te regere euver de karnevalsdaag en de stoete t/m Haafvaste. Kort nao 11 november weurt de scepter trök bij het karnevalscomité verwach. Ien 2025 höbbe ver e “grand-cru” jaor” belaeft, mèt preens Piet (Muermans), jeugpreens Finn (Goiris) en jeugprinses Esmée (Muermans) as preenselek trio.

Piet I (46 j) woent saome mèt vrouw Iris Hermans en de kinder Mathis en Esmée op de G. Mercatorstraot. Her wèrrek bij Infrabel en haet eigelek tied te kort! Her ès kampioen ien wakeboarden en ien de weenter deit 'r aan snowboarden. Her gujt pijlkes ien Mestreech bij dartsclub Boskai en ès Piet(je)-doe-al

bij Smèermaos alaaf! Finn I, (13 jaor) ès de zoon van Tom Goiris en Joke De Weerd I (gekind as juf Joke van “Aan de Basis”) en 'r ès het breurke van Yarne. Ien ze preensejaor zaot 'r ien het zèsde lj. Finn ès hiel sportief as voetballer bij Belisia Bilzen, supporter van KRC GINK en lid van KSA Wèzent. Esmée I (10 j), dochter van de groete preens, ès 't bèsste zusterke van Mathis en zaot ien 'r prinsessejaor ien het 3de lj ien Smèermaos. Ouch Esmée ès hiel sportief ien de aqua-dance of waoterballet en spaelt hockey ien Mestreech. Skieje vindt ze ouch bès plezaant. Het preenselek trio haet ene supersjoenen tied mètgemaok ien hun preensejaor!

Vandaag maoke ver dadelek het podium vrij vur de nuij preense en prinsesse. Op de sociale media gaot ger zeker berich waere euver de nuije hoeghede. Ver nudege uch allemaal oet op de groete 53ste karnevalsstoet op Vèttèn Deensdeg ien Smèermaos.

Dan trèk de karnevalsstoet door de straote, mèt aansle-tend groet bal ien de zaol! Minse van Smèermaos, ver-seer uch hoezer, zeker op den deensdeg! Het comité weens ederein ene geweldige en supersjoene vastelaovend! En haaw het properkes!



Program carnaval ien Smèermaos
Alle activiteite goon door ien Zaol 'Jeugdparc'!

Vriedeg 13 fibrewarie
13:11 • Kinderoptocht en Sjaol-karneval i.s.m. 'Aan de Basis'
19:33 • Machseuverdrach (op het gemeentehoes – op oetnudeging)

Zaoterdeg 14 fibrewarie
14:11 • Kinderkarneval mèt optreijes en kinderanimatie

Deensdeg 17 fibrewarie
14:33 • 52ste Karnevalsstoet mèt aansletend groet bal.

Preens Kristof den Ierste van Gèllek

Bèste minse, wat ver op ze mins kinne zègge ès, dat de nuije preens Kristof I (Massot) van de Gèlleker Galliare, de karneval ien ze blood haet! Harie Massot en Irene Degreve waore medeoprichters van de Galliaren en zennen opa Guillaume, waar ien 1985 de 6de preens van Gèllek!. Kristof ès de ajdste zoon van Francis en Olga Massot, broor van Kirsten, sjoenbroor van Ben en ouch nog de fiere nonkie van Faye en Ella-June. Kristof wèrrek vur VAMA rame en deure. Ien zenne vrijentied ès h'r ne trouwe supporter van Racing Gink. Karneval zit h'm deep ien het hart. H'r ès gestart ien de karnevalswaereld bij “De Oliebollen”, um ien 2023 den euvrestap te maoke nao de Gèlleker Galliaren. Dao prebeert h'r as lid, de groep te steune bij tal van activiteite. As rasechte Galliaar ès her dan ouch terech fier dat her dit jaor den 18de Leechstoet maog afslète as Preens Kristof den Ierste. Her nuddeg uch allemaal oet um massaal aanwezig te zien op de Leechstoet op 28 febrewari.



Her hoop uch ouch allemaal te treffe op de after-party ien de tèt op het dörreplein! Alaaf, alaaf, alaaf!

Gèllek, jeugpreens Vaughn den Ierste

Hallo, iech bin jeugpreens Vaughn, de ierste jeugpreens van de Gèlleker Galliare en gebore en getoge ien Gèllek! Iech bin de zoon van Gert Geurts, ouch met zen roets ien Gèllek, specialis ien het lègge van gietvloere mèt JVG Geurts. Men ma ès Whitney Berger, de Mestreechter eigenaresse van het Gèlleker aetcafé, de Hoe-

ve+. Iech höb ouch e groeter broor Jax. Al venaaf me vijfde laevesjaor leep ich roond mèt 'n preensemöts en druimde tevaan um oets ne jeugpreens te waere.

Den druim ès werkelekheid gewore, al waar het vur sómmege effe winne. Midde op de taofel stoon te fieste, deilnumme aan ne Polonaise, lache, zinge of genete van ne stevege beat... gezelligheid en meziek zitte mech ien het blood! Thoes kint ger mich dèks vinde achter de DJ-taofel um meziek te maoke! Iech bin ne vreund van ederein, ope, gezellig en altied te vinde vur e präätsje! Boe iech ouch bin, veule de minse zich welkom. Iech doon ouch aan voetballe, as verdedeger, bij den LVV! Mèh hiel dèks zeet ger mech roondfitse op menne fatbike en tied numme um effe mèt bekinde te kalle. Mèt men aanstaekelike vrolekheid en menne groete fantasie gaon iech 'r, saome mèt groete preens Kristof, e geweldge karnevalsjaor van maoke. Dus vööl plezeer, gelach en gezelligheid! **Alaaf! Alaaf! Alaaf!!**

De Wottelzekskes oet Wèzent

Prinses Sanne

Iech bin prinses Sanne de Ierste van de Wottelzekskes oet Wèzent. Iech bin 33 jaor en woen saome mèt mene vreund Kevin, zoon Dylano en dochter Hayley op de Kiezelwaeg.

Iech doon vrijwillegerswerrek bij Linc Parc en de vermiste puutjes. Natuurlek bin iech as mama ouch hiel dèks taxi-mama um de kinder nao hun vööle hobby's te bringe. Mijn groete passie



geit oet nao me paerd. Karneval zit natuurlek ien men gene en me blood, via m'n mama Nicole en mene zörregpappa Marcel (Kuuke), allebei gekind van Hermenieke Jus te Nève. Wat bin iech fier um dit seizoen de scepter te maoge zweije ien de Wottelekoul. Hiel speciaal dan ouch nog mèt m'n dochter Hayley, jeugprinses!

Vèr mèt z'n twiekes, as tandem, goon 'r e geweldge seizoen van maoke! Natuurlek zeet ger allemaal welkóm op de Haafvastestoet ien Veldwèzelt op zaoterdeg 14 maart.

Iech höb gezag, Sanne I, Alaaf, Alaaf, Alaaf!


Jeugprinses Hayley

Iech bin Hayley den Ierste van de Wottelzekskes oet Wèzent. Iech bin 10 jaor en gaon nao de sjaol Linc Park ien Laoneke, bij juf Caro en meister Ben. Iech woen saome mèt mene papa Ke-



vin, mama Sanne en broor Dylano op de Kiezelwaeg. M'n hobby's zien paerdrije, volleybal spele ien Wiemismeer en twirle bij de Shining girls. Iech bin hiel blij dat menen druim ès oetgekómme um jeugprinses te zien gewore. Saome jeugprinses te zien mèt m'n mama, as groete prinses... dat ès ech den TOP! Natuurlek vin iech het ouch geweldge um de Wottelzekskes oet Veldwèzelt te maoge vertegewoordege: SUPER!

Iech höb gezag, Hayley I, Alaaf, Alaaf, Alaaf!



Gunther I, preens van de Brikkebekkers oet Rèkem Het ès geine kleine!

Preens Gunther, groet van gestalte en nog groeter van ienboors! Gunther I, of Gunther Campsteyn, ès den 62ste Brikkebekkerspreens. Her wèrrek as werrefleider bij Willemen Bouw. Her ès getrouwd mèt Claudia Vandamme, alias hofdame Claudia, fiere pa van Wesley en Kenji en gaans ien de

wolleke as groetpapa van Kaylee. Gunther greujde op aan het Hangveld en woent nouw mèt z'n vrouw op de Heirbaan ien Rèkem! Karneval ès de roejen draod doorheen ze laeve. As veur-zitter van CV De Sjoester en afterparty-DJ van café Sjoester, steit 'r bekind umwille van z'n enthousiasme

Program Rèkem
Vriedeg 13 fibrewarie
Bezoek aan de Rèkemer sjaole
Zaoterdeg 14 fibrewarie
Vurmiddeg: Preenselek bezoek aan “Wiek 't Hangveld” 's Aoves: Ierste deil van de kroegetoet
Zóndeg 15 fibrewarie
10.00 oor: H. Mès ien het dialect? Kèrrek St Pieter Rèkem
11.11 oor: Machseuverdrach ien zaal Kleinveld Rèkem 's Aoves: vervolg kroegetoet.
Maondeg 16 fibrewarie
62ste STOET REKEM
13.22 oor: Reklamstoet – 13.33 oor: Karnevalsstoet
Deensdeg 17 fibrewarie
Preenseverbranning (Café de Sjoester)
Woonsdeg 15 fibrewarie
Hieringhappe ien alle Rèkemer café's.



HET BELANG VAN LAONEKE



Pries: 23 FR en vanaaf asgoonsdeg 26 FR • Jus 33 jaor geleije - anno 1993

Preens Maurice en jeugpreens Jorgen

Vur den ierste kier ien het bestoon van de Raod, maog Laoneke, nève de groete preens, ouch venaaf nouw proonke mèt ene Jeugpreens.

De groete preens nump zich Maurice den Ierste, oftewel Maurice Pustjens, agent-brigadier bij de pelies en Europese veurzitter van de motoclub "The Blue Knights". Bij deij motoclub kinne allein riekswachters, politieagente of lede van aander politionele instaan-ties aanslete! E clubke dus um nit ien de waeg te loupe, pardon te rije. Maurice ès karnevalis en spelend lid van hermenieke de PORIJ-KES mèt muzikaante die 'wèrrek'zaam zien bij de politie (PO) en rijkswachters (RIJ). Trouwes, de PORIJ-KES bestoon nog altied. Ien dees daag wel zónder actief politie-lede.

Vur het ierste jaor kreeg de 'groete' preens, krachtege versterking van jeugpreens Jorgen den Ierste, telg van ein van de groetste karnevalfamilies (Schellin-gen) oet Laoneke, mèt tal van preense en jeugpreense. Jorgen ès de zoon van Jean-Pierre (douw lid van de Raod) en Marie-Jeanne



Miermans. Zeker te vermeld ès dat den ierste preens van Laoneke (bij de herstart) ien 1974, zene noonk Hendrik waar. Jorgen ès jaore laoter (2016) ouch de groete preens gewore en ès op dit ogenblik drök bezeg mèt triatlon en de Iron Man... Zoe, de RAOD haet



ien 1993 een nuij tradisie "jeugpreens" gestart. Lao-ter zijn er de jeuprinsesse gekómme, nog laoter de duo-kóppelkes mèt jeugpreense en -prinsesse.

De kip gief zen geheime bloet



Bij graafwèrreke op de "Kip" ien Laoneke zien ze op ne militaire gaank gestoete oet de jaore 30. De touwgaanskoker (60 meter) van ne beunker laog bedolleve ónder ne hiele groete houp kanaalzaand. De firma deh de graafwèrreke oetvoerde wauw zo gaw meuglek het oorlogsbouw-sel aafbraeke. De óntmij-ningsdeens van het leger haet de wèrreke stilgelag vur een hiel grondege inspectie. De wèrreke woorte hernómme en de kip ès nouw een tristege vlakke gewore. De kip haw ouch een (ónbekinde) naeve-funksie, n.l. het leweit van de febrikke aan den aandere kaant van het kanaal te neu-tralisere. E jaor of tien geleije goof e deil van bevolking aan dat ze wakker laoge door het mysterieus gebróm. Waar het afkeumpsteg van de Sappi of van den Amcel? Niks te Sappi mie en binnekort niksmie Amcel, allein nog gebrom van de börgemeister umdat h'm vääol gèld langs zen neus geit!



Het onstel van SNEPPEKE

Bert en Patricia oet Laoneke zitte nog ien de "wittebroeds-waake". Ze höbbe zich geïn-stalleerd ien hun nuij hoes. Natuurlek zien de verhuisdoeze nog nit allemaol oetgepak, ze stoon "ien de wach", ien de kal-der. Bert ès internationaal cam-ionchauffeur en ien de waek van hoes. En as Bert dan ien het weekend thoes keump, haet 'r aander katte te geisele en poeze te aaie. Dan geiste dech nit ke-potwèrreke aan get kertónne doeze deij dao nog jaore maoge (goon) blieve stoon. Door de waek mót Patricia dus de laeg plaats ien béd zellef opvölle en hun hoes, ouch bij nach, ien de mot hawe. Dat lók wel good,

meh lès kaom 'r toch e raar geluidje oet de kalder. Ene mins geit dan van alles deenke. Enen ienbraeker? Ene roonkende vibrator? Ze zouw en mós het te wei-te kómme, en ging mèt den angs op het lief sloepen-daere richting kalder. Nör-reges waar groeten ónraad te bespäöre, het geluid woort gelokaliseerd ien ein van de gestaopelde doeze. Het bleek ene wèkker te zien. Sóms ès het versjrik-kelek meujlek um 's mör-reges de wèkker te hure um op te stoon. Deze kier waar deh präöl oetzón-derlek efficiënt. Patricia ès dan mer aan de groete póts gegange. Niks ès zoe slech um toch nörreges good vur te zien.



Bèssemkaravaan op stap mèt snie-en zonnige buie

Óndaanks nit zoe geweldeg waer, maog de Raod van Laon tot Aoke bès content zien euver hääre stoet. E keteer vur het vertrèk leek het lènte ien de loch, eine kier op waeg veel de ierste sniebui! Het pebliek zeukte eder portäölke op of plekte tege de mur om get druug te kinne blieve. Applaus en commentaar woort nit gespaard. Jeugpreens Jorgen I opende de stoet, min of mie besjót ónder get doorsijnen-de plastiek. De meitskes van de Belfi-stars hawwe dit jaor e trainingspak verkoze bove en ragfien turnkestuumpke. As de zón effe door de wol-

leke versjeen, woort de stum-mingsthermostaat direc e paor graode hoeger gezat. De Zaote Dweile hawwe de dweile vergaete en waore fleenk op waeg um good zaot te waere. De LVV-veterane ginge golfte mèt tennesbel. De bek beer waore op het einde van de stoet mer mundjes-maat aangesproke. Een wer-rem tas koffie of sop kós de stoetgengers mie bekore. Deij wat aan de drópkes zao-te, kaome straalbezope ter huugte van het gemeintehoes binne. Twinteg jaor stoet, zeker e succes, allein de eier aan de Klarisse hawwe hun werrek nit gedoon.

Keuning Boudewijn den Ierste euverlede

Zaoterdegaovend um 21.30 oor ès Keuning Boudewijn, op ze vekaansieverblief ien Spanje, aan enen hartstil-stand euverleije. Ze stof-felek euversjoot ès euver-gebrach nao het kestiel van Laoke. Op het einde van de waek kreig de Belzje bevol-leking de kaans um ien het Keuninklijk Palies van Brus-sel ene lèste groet te bringe, aan hääre Keuning.



Zaoterdeg geit z'n oetvaart door, ien aanwezigheid van boetelandse staotshoofde en regeringsleiders. Ien een me-dedeling van Ierste Menister Jean-Luc Dehaene ès be-kindgemaok dat prins Albert Boudewijn geit opvollege. Jean-Luc reup op dat ver ós allemaol achter de groond-wètteleken opvolleger Preens Albert zètte um het werrek van Boudewijn wijer te zètte.



Op vluch vur de Maas

Bij het ter paerse goon van de gezèt, waar de situaotie aan de Maaskaant op vääol plaatse hiel kritiek! Effe vur middernach kaom Menister Tobback aan ien het crisis-centrum. Ien Stokkem haet de börgemeister de minse opgerope um hun krouka-re nao de weenterdiek te bringe, umdat camions nit

mie tot dao kinne kómme. Met maan en mach waere zandzekskes nao de bresse ien de Maasdiek gebrach, um den diek te dichte en op sómmege plaatse te verhoeg-e. Ouch ien Ukeve, Boor-sem, Kotem en Herbrich weurt vur euverstruiming gevrees. En dat vur den tweede kier dat jaor. Begeen

janewari 1993 waar het al behuurlek misgegange mèt de Maas, ouch ien Herbrich. Ien Nederland waar fase twee van het raampeplan oetgerope. Borghare en Itte-re stoon te blaank. De Wihel-minakaai ien Mestreech waar vol geloupe en ien de umliggende straote stin het waoter wel 40 cm hoeg en... de Maas haw nog nit z'n hoogste peil beriek.



Advocatenkantoor
Geurts & Haenraets

Koning Albertlaan 73
3620 Lanaken • België
089 71 51 65

wenst u een prettige carnaval



Diagenhof
BIKESTORE

GELLIKERWEG 145
3620 LANAKEN
+32 460 94 74 13

www.diagenhofbikestore.be



MOBIELE

BANDENSERVICE

PATRICK & DIANA

OP AFSpraak +32 494 84 60 97



Molenweidestraat 50
3620 Lanaken



Hans Rousset BV

+32 89 71 85 80

Hans.Rousset@argenta.be

Kaktuutsjes

Ozzen hoond blaf van vää en sjit venachtere, sóms hiel hael en van tied ouch al get zachtere. H’r haet bij ós ouch e laeve as ne preens, zoe e laeve weij ederein het zich weens. V’r höbbe h’m toch mer laote castrere, um rösteg door het dörrep te paradore. De teefkes zien nouw wir op hun gemaok, want ózzen hêld zen neut zien gekraok. Altied get plestieke tuutsjes bij de haand, want poep op de stoep, ès hiel ambetaant! Toch zien er minse deij köppeg door marchere, as hunnen hoond jus dao e kekske mót plassere. Stel dech veur, de traеijs ins vol te binne, dan kinstе aan de groete póts beginne! Zeker aste dreugs van deij geribte sjoon, dan ès het krètse vur diech nit rap gedoon! Bèste hoondbezitters, maog iech uch get vraoge, de stroont altied nao het voelbekske te draoge. Zoe spaart ger uch zeker het gèld van ‘n fikse boete, want loomp ien ne stroont treije ès mer dikke kloete.





Verkreunkeld

Mèt een verleideleke zwolstum vräög een vrouw aan hääre maan: “Sjat, höbste al oets een hiel verkreunkeld breefke van 20 euro gezeen?” “Nein!”, zaet de maan, en z’n vrouw deit hiel sensueel de veer boveste knuipkes van ’r bloes los en touvert een hiel verfroemeld breefke van 20 euro oet hääre beha. De maan pak het breefke aan en sjut ien ene lach. Dan vräög de vrouw: “Höbste al oets een hiel verkreunkeld breefke van 50 € gezeen?” “Nein!”, zaet de maan

mèt get hoeger verwachtinge op ene sjoene middeg. Ze luch hääre rok umhoeg en häält een hiel verkreunkeld breefke van 50 euro oet hääre mini-string. The show must go on... De maan rääk wijer opgewónde en snap het breefke zoe gaw ’r kin, mèt wellich e stökske veers vleis debij! Dan vreug de vrouw: “Höbste al oets 40.000 euro gaans verkreunkeld gezeen?” “Nein!”, zaet her, good op temperatuur... Met hääre mies sexy lach zaet ze: “Gaank dan mer ins in de graasj kieke.



De Laoneker herbergiers

Heij stoon ze dan allemaal, de Laoneker cafébase ien gevechshawing, klaor um vur e paor daag nit aaf te gaeve en zellefs biebls good werrek te verrichte mèt het lave van de deursteghe. Haaw de karneval proper en haaw (allein) de henneges ien de loch...



Jo op de fits

Jo ès al jaore de facteur van deens, belas mèt het roondbringe van zoe’n 1000 gezëtte ien Laoneke. Vreuger deeg ’r dat gaans allein ien ‘groot-Laoneke’. Daovaan en van de fits ès ’r afgestap. Den aafstaand op zich waor nit ondoenbaar, wel het gewich van de gezëtte achter op de fits. Jo, begin mer te traine vur de vollegende jaore, de gezèt ès door het veraandere van de papierkwaliteit, e stök lichter. Natuurlek weurt Jo d’r ouch nit jónger op.



Stille en spannende straote

Straote ien Laoneke... de höbs er deij het nuijts en den tv hole, omwille van geweld, erotiek. D’r zien stille, laankzemme en ouch van deij boevaan daste doezende verhale kins nao bove hole....

Ien 2024 goeijde sjepe Jasmine Neve het fenomeen “traag waeg” op de mèrret mèt sträötsjes deij nog noets genomineerd waore vur een trajectcontról of een Bob-actie. Dus zèllefs nit te meuijte waore um de gemeintekas te spijsze, zoe pietlutteg en onbeduidend. Ze kregte vurreg jaor ne naam, alof nit mèt een connectie nao de volleks-sages en legendes. Ien Rêkem kaom er de fanfarewaeg, E klein gètske boe de muzikaante van de fanfaar van

Rêkem, ien (lich-) besjoonke touwstaand, op zeuk ginge nao de väärdur van hun hoes. Good gedoon, dat wel, mèn mèt e hiel bepèrrek zich op ‘t Laoneker minselek laeve en doen. Zonder enege emotie. Het uilesträötsje zaet het ieder “lich belaege pebliek” van Laoneke mie as aal de rès. Het waor de vreugere rendezvousplek vur jóng köppelkes. Bij het beuntje boe ver ien de jaore 60 ederen daog wónderwaoter oet droonke, sóms al ins tegeliek mèt e koeleköpke. Het Laoneker krakelingefies! Höbbe dao nouw ech uile gewoend of zien het uile deij zich dao ien een vaste relaotie höbbe laote duije? “De mós ne uil zien...” Douw waor ien Laoneke nog alles zónnesjen en ós gemeente bruisend.

Ondertösse zien ver op den terökwaeg en mótte ver het höbbe euver de Sappi-weg, Carideng-weg, Petronelle-weg, staotie-weg, paters-weg, zusters-weg, sporthal-weg, cinema-weg, de sneltramhielgaw-weg. Ver kinne zoe nog wel effe weijer goon: Sparrendal-weg, Sint-Vinceniusweg, Eroscentrum-weg, KwafäörJang-weg, Carrefour-weg (???), Amcel-weg, spoorweg-weg, Frituur Fransweg... Binnekort kin ien eder deilgemeinte de kèrrekweg weg... Het geit ech good mèt Laoneke, cfr de volleksraodpleging van 2024. Bekans 100 % van de deilnummers, een 125 blowwe gesjellepte, voonte dat het geweldeg ging...boe zowwe ver ós zörreg euver maoke?

LEONIDAS



gebouw. Z’n zaak zal de ierste 500 jaor nit goon ienvalle, dat nit. Aan alle kaante stoon nuij stevege mur, deij tege e stutje kinne. En dan keump het economisch vernuft van dèh maan bove. As iech kin zörrege dat de lierlinge door de geur, de reuk, den aroma van m’n Griekse specialiteit vanaaf 10 oor verrèkke van de gósting en den hóngler, dan mót iech dao zaokelek get mèt kinne doen. Iech maok een groete deur aan den achterkaant van me restaurant en tösse de middegore geit het joonk vollek door zuiderse geure aangetrokke weure en zoe rechstreeks langs den achterkaant binnekómme um te aete. Das ès ins get aandere dan druug boterhamme van de mam of e Fraans brudje oet de Pannos. Ver zulle zien!



STERK
vastgoedmakelaars
Kanaalstraat 11 • 3620 Lanaken
Tel.: +32 (0)89 30 88 88



OSET
CAR SERVICE



Wines & Bites
by Tom Coun, The Flying Sommelier
Tel. +32 (0) 498 51 45 31
info@winesandbites.be • www.winesandbites.be
Winkelstraat 17 • 3620 Lanaken



Café Groene Woud
Waterstraat 143 • 3620 Lanaken



GEURTS
PAINT & MORE
INDUSTRIEWEG 9
3620 LANAKEN
089 71 13 90

15de jaorgaank
twiedoezend-
zesentwinteg

Bèssem Gezètje

bessemgezet@telenet.be

Ónder auspicië
van de Raod van
Laon tot Aoke



Jeugpreense Junaut I en Senna I

Kinderstoet

vriedeg 13 fibrewari
um 13.00 oor
mèt heksoplaoting
aan het gemeintehoes



Ouch dit jaor hóbbe de Dreij Wijze van de Raod vur 2 jeugpreense gekoze. En ger mótt ós geluive: het geit wir stóbbe bij de Laoneker jeug. Ver stèlle ze heij aan uch veur!

Junaut I ès 12 jaor, zit ien het ierste middelbaar op het PyxisCollege en woent op de Dennenstraat, mèt papa Carlo (Heeren) en mama Carmen (Roox). De awwers zien al jaore bij de Raod en ien 2023 waar het aan groete broor Thibeaum de jeugpreense-scepter te draoge. Junaut ès voetballer bij Belisia Bilzen en zaalvoetbalclub Pibo Belisia. As her dan nog mer get power ien zich haet, geit h'r padelle. Junaut zaot al jaore op heite kole: zouw

her oets jeugpreens kinne of maoge waere? Dow mama en papa h'm mèt lokte, um zoegezach ene fatbike te goon bekieke, ginge ze ien werlekheid ze kostuum opmaete. Junaut waar ien shock. Ien plaats van mèt ene vette fits kaom her met e vet kostuum thoos... bij wijze van spraake. As ger Junaut I tege komp, dan gaot ger versjete! H'r kin bekans alle karnevalsleedsjes van boete. Ene karnevalis ien hart en nere!

Senna I ès 10 jaor, woent op de Hellingstraat mèt papa Ralph (Van Dooren), mama Ilona (Migalski) en groete broor Nathan. Senna geit nao de Jan Rosiersjaol en zit ien het 5de lierjaor bij juf Maryse. Bebbele en zinge deit her gaere, aldus de juf.

Ze zaet al ins: "Bij Senna steit altied de radio aan".

Senna spaelt voetbal bij den LVV en ès ene fervente supporter van KRC Gink. Dow her 4 jaor waar, mocht her ins op de foto met preens Ronny III en douw waar het ies gebroke. Venaaf daen daog wis her het: "Iech wil jeugpreens van Laoneke waere!" Ervaring haet h'r opgedoon as preens van de Wieksjaol. Douw de kogel door de kèrrek waar en de Wijze h'm oetgekoze hawwe, waar h'r de keuning, pardón de preens, te riek!



Jan Rosier, juf Marida

■ **Jan Rosier, 2de lierjaor, Wiek, Juf Marida** • Marida blijf hope dat de kinder van hääor klas het Laonekers blieve verstoon en goon spraake. Ze hóbbe ouch good hun bès gedoon mèt sjikke teikeninge ien het thema "Karneval". Versjillende kinder wille kós wat kós mèt hun eige keunswèrrek proonke!

Vur mama en papa ès het gein verrassing dat Senna zoe van karneval hilt: her ès gebore op de toene van "Laot de zon ien dien hart". Her waar nog gein 5 minute ajd of her haw al z'ne ierste polonaise door de kraomkaomer d'r op zitte.

Junaut I en Senna I maake zich op vur ene fantastische vastelaovend, saome met hunne bèste kameraod: preens Jürgen II. Ze hope uch natuurlek allemaol te zien op de Groete Alaaftap, op dónderdeg 12 fibrewari ien het Cultuurcafé, door Willy en Lupe as karnevalstempel aan hun twieje ter besjikke gesteld. Willy en Lupe:

BEDAANK!

Junaut en Senna: geneet van de dreij sjoen daag. En weij Junaut ze groetste idool zaet: **"SJENG AON DE GENG!"**



■ **Jan Rosier, kleuters 2,5 j. Wiek, Juf Daniëlle** • Vur degene deij het nog nit snappe, de kleure roed, gael en greun stoon vur de karneval! Genope?

Wäordsje van de redactie

Hallo bèste kinder, heij ès vur uch 't Kindergezètsje, mèt good karnevalnujts oet de Jan Rosiersjaol en Linc Park. Wat waar het wir e gedoons um de gezèt op tied bij den drökkter te kriege. Karneval vilt dit jaor èrreg vreug, zoe bleef 'r mer wieneg tied euver um nao de Keersvekaansie, mèt de klas creatief bezèg te zien. Alles kaom toch wir good! Ger zeet harstikke bedaank vur uch ienzèdinge. Ouch bedaank aan de lierkrachte van de twie sjaole. Bedaank juf. Marida Jan Rosier en Meister Arden en Juf Caro van Linc Park. Gaer trèk de kaar, ver zien uch daankbaar. **ALAAF!**

■ **Jan Rosier, 1C, Wiek, Juf Maureen** • Alle kinder van het ierste hóbbe effe de pen neergelach. Vur sjrieve, laeze en raekene ès 'r nog tied genóg. Vendaag proonke ze mèt hun sjoen karnevalsteikening!



1W, juf Maureen



Meerten Marc Zakenkantor BV
Heuvelsvenlaan 4
3650 Dilsen-Stokkem

<https://www.pv.be/nl/web/lanklaar.pv.be>

Marc.Meerten@pv.be

FSMA nr: 81301 / O.N.: 0878204049

Excl. handelend voor P&V-Distributie NV

Advies over: Verzekeringen; Beleggingen en Hypotheken

Voor een gratis en vrijblijvende verzekeringsanalyse,
contacteer mij via mail.



H. KEULEN BETON N.V.

Tournebride 20 | 3620 Lanaken

Tel. 089/72.18.70 | Fax 089/72.19.17

www.keulenbeton.be

CHR
ISTO
FFELS



■ Jan Rosier, 6de lierjaor, Juf. Liene • De lierlinge van 6A van Juf Liene hóbbe hunnen eige stoet gemaak, mèt allemaol teikeninge van wàögel ien de volgorde van het woord “ALAAF”



■ Jan Rosier, 2de lierjaor, Juf Hilde Vranken • Hoeg bezeug ien het tweede lj JR, de maondeg nao de preensverkezing. De jeugpreense saome mèt de veurzitter van de Raod, e paor wijze en ne hiele slumme, kaome op klasbezeug um zich veur te stèlle!



■ Jan Rosier, 5de lierjaor, Juf Sterre • Mer good dat Juf. Sterre tebij gezat haet dat dit de lierlinge van het vijfde lierjaor gemaak hóbbe. Mèt deij maskers op zien ze gewoen nit te herkinne!



■ Jan Rosier, 2de lierjaor, Juf Laura • De kinder van Juf Laura staeke mèt e fier gezich hun teikening ien de loch deij ze gemaak hóbbe ien het karnevalsthema!

Het vijfde lierjaor van Jan Rosier neump zen eige karnevalsleedsje op!

Op woonsdegvurmiddeg 21 jannewari hóbbe de lierlinge van het vijfde lierjaar (klassen 5A, 5B en 5C) van de sjaol e biezon-der muzikaal avontuur belaeft. Ien de BM-studio naome mer leefs 30 enthousiaste kinder saome hun eigen karnevalsleed op. Het leedje hit “Roed, gael en greun!” Boete het zinge, waor er ouch ene creatieve kaant aan het project: e CD-hoeske óntwèrpe. Oeteindelijk zal ein tekening oetgekoze waere, um de vöörkaant van het hoeske van de CD te sere! Het waor ne ónvergaeteleke ervaring vur de lierlinge, vol van meziek, plezeer en creativiteit! Door hunnen ienzat en enthousiasme belaeft hun leedsje de karnevals kraoker van het jaor te waere!

Roed, gael greun (Jan Rosier)

Roed, gael, greun, jao het ès wir karneval! 2x
Daanse, sjaanse op het kinderbal.
Roed, gael, greun, jao het ès wir karneval!

De juffrouw en de meister, deij verkleije zich hiel sjoen,
den eine as een hiel ajd wief, den aander as kapoen.
Met de kinder van de klas goon ze nao het bal,
ze hóbbe dao hiel vööl plezeer!
Het ès wir karneval!

Refrein:
Vastelaovend ès toch wel, de sjoenste tied van 't jaor.
De zuus allein mèr roed gael greun,
de pèkskes zien al klaor.
De preense doen hiel good hun bès, kermèlle vlege roond.
Ver danse en ver sjaanse en ver maoke het hiel boont!

Refrein:
Kinder kóm nog mèr ins danse, let dan hiel good op.
Vergaet daan nit te sjaanse, want dan weurt het geine flop



■ Jan Rosier, 4de lierjaor, juf Martine.




■ Jan Rosier, 4de lierjaor, juf Naomi.



Sjuun óntwèrpe vur de CD-joeskes.



■ Jan Rosier, 4de lier-
jaor, juf Brenda.



■ Jan Rosier, kleuters
Wiek, juf Mireille

De kleuters van dees klas hóbbe de dreij preense hiel hoeg op. De groete preens en de twee jeugpreense stoon d'rop. Ouch het logo van de Laoneker karneval maog nit óntbraeke! Vanwege de kleuters van Jan Rosier aan de preense ennen dikke proficiat!



■ Jan Rosier 6de lierjaor.
meister Dave

Meister Dave haet de inspi-raosie van de kinder van zen klas losgelaote um get sjoens ien de gezèt te kriege. Prima wèrrek en hiel kleurriek! Ta-lènt ien euvervloed.

verzekeringen
verslegers

Vriend in
verzekeringen

Zutendaal | Rekem

+32 89 71 57 19 | kantoor.verslegers@verz.kbc.be | verzekeringenverslegers.be

10

JEURISSEN n.v. ZEILMAKERIJ

Europark zone 3 - 807
3620 Lanaken

+32 (0)89 71 42 89
info@jeurissendekeilen.be
www.jeurissendekeilen.be

Caubergh
Groenvoorziening

Zakenkantoor
Tom Beckers

VERZEKERINGEN EN KREDIETEN


Ernest Claesstraat 5 • 3620 Lanaken • zakenkantoor.tombeckers@skynet.be • Tel.: 089 73 21 12 • Gsm: 0475 59 56 79

Alle werken in graniet, marmer, arduin, composiet, kalksteen

Trappen, keuken- & badkamertabletten, tafels, vensterdorpels, brievenbussen, enz.

BOVA NATUURSTEEN BVBA

Industrieweg 110, 3620 Lanaken
T 089/77 33 03 | info@natuursteen-bova.be
F 089/73 33 04 | www.natuursteen-bova.be



KARNEVAL NEW LAONKE

2025-2026



RAOD VAN LAON TOT AOKE

SJILDERIJ MET ALS TITEL PICCO CARNAVALLO GEMAAK DOOR JETJE RUTTEN • RAOD VAN LAON TOT AOKE IEN SAOMEWERKING MËT HET GEMEINTEBESTUUR LAONEKE



■ **Linc Parc, 4de lierjaor, meister Arden en juf Caro.** Het veerde lierjaar wèrrekte mèt vööl enthousiasme roond de kleure roed, gael en greun bij het óntwerp van hun maskers. Ouch op de foto: de nuije directeur: 'n fijne kinnesmaoking!



■ **Linc Parc, kleuters.** Alle kleuters van Linc Parc zien al hielemaol klaor vur karneval! Alaaf Alaaf Alaaf!



■ **Linc Parc, 3de lierjaor.** De lierlinge van het dèrde lierjaor mochte hun creativiteit de vrije luip laote, door hun eigen masker te óntwerpe. Met versjillende materiale, kleure en vörreme, ginge ze aan de slaog. Eder masker vertèlt een eigen verhaol en kreeg zoe een unieke invölling. Gein eenkel óntwerp waar hetzellefde!



■ **Linc Parc, 2de lierjaor.** De lierlinge van het tweede lierjaar hóbbe zich creatief oetgelaef vur karneval. Mèt vööl enthousiasme verseerde ze hun sjoon mèt kleurrieke piepe-ragers, vroleke pompoms en speelse vaerkes. Eder paor ès zoe een uniek keunswerrek gewore, vol fanasie!



Roed, gael greun (Linc Parc)

strofe 1

Ver zien Linc Parc
oh heij ès 't fijn.
Ver zien Linc Parc
heij ès ederein blij.
Mèt karneval
doen ver mèt ien roed gael greun.

Mèt karneval verkleije ver ós!
Mèt karneval sjmeenke ver ós!
Ien roed gael greun
dan hóbbe ver ech hiel vööl plezeer.

Refrein

Roed gael greun, oh ederein lach.
Roed gael greun, oh 't ès echt e prach.
Ver goon daanse
ien deij dreij kleur, lekker sjaanse.

strofe 2

Ver springe op de melodie.
Ver dreje allemaal ien't roond.
Jao ederein, goeijt deij hendjes ien de loch.

Oh ver pakke elkander vast
en starte e polonaise.
Allemaal jao, ien de kleure roed gael greun.



DISTRI-DRINKS BV
Dranken - Boissons

**drinxit**
beleef je dranken

gusteau
brasserie | feestzaal

Koning Albertlaan 47
3620 Lanaken
089/ 37 31 41
www.brasseriegusteau.be
Wij zijn ook uw partner voor feesten en partijen

OPENINGSTIJDEN

Maandag, donderdag,
vrijdag en zaterdag
vanaf 17 uur.
Dinsdag vanaf 10 uur.
Zondag vanaf 11 uur.
Woensdag gesloten.
Keuken geopend
tot 21 uur.

**electro
Stylman**
lanaken

**Exellent**
electro

Stationsstraat 95 • Tel. 089 71 46 45 • www.electrostylman.be

Ver weense ug 'ne goje karneval!



Laonekenaar van het jaar Steven Roox

De Laonekenaar van het jaar, kin ederein as de zoon van Jaco Roox en Jacqueline Goossens, broor van Dave en Mike en Joyce. Steven waar ien 1997 al jeugpreens en van 2006 tot 2010 lid van de gemeinteraod vur CVP. Daan ès Steven z'n oetzónderlek talent, gekoppeld aan onderwies ien de communicatiewetensjappen, goon benutte ien den theaterwaereld, o.a. ien de musicalbranche mèt rolle ien "de Soldaot van Oranje, Ciske de Rat, Belle en het Beest" en nog zoevää! mie. Saome mèt o.a. Jan Bollen nóm 'r ien 2006, mèt hiel de bevolking van Laoneke, deil aan e tillevisieprogram 'Fata Morgana'. Z'n opdrach bestoont d'rien um de bevolking van Laoneke te mobilisere um een aantal opdrachte tot e good eind te bringe binne het thema: 'Maok van Laoneke e stökske Australië (Down Under)'. Veer van de vijf opdrachte woorte glansriek oetgevoerd! Ze musicaal talent woort boete de musicals ouch



benut mèt de zanggroep "De jukebox-boys", ene groep deh her zellef haw opgerich. Op de nuijaarsreceptie van de gemeente e paor jaor trök trooj her op ien dees hoedanegheid vur z'n fans oet eige dörrep. Tegewoordeg woent her ien Amsterdam met z'n vrouw Dewy en hun keend, gebore ien miert 2025. Steven ès nog dèks te zien ien Laoneke en dan deit her de rónde van de familie. Vur dees gelegenheid, nominaotie tot Laonekenaar van het jaar, stook her gaere nog ene kier extra de paol euver! Proficiat Steven, fijn vur dech nog ene kier te zien!



DE SLUMSTE MINS

Laot uch verstaand ins good wërreke mèt óze puzzelrónde oet het tv-program "De slumste mins"! Probeer mer nit te foetele, ós aamper corrupte jury hilt alles ien de gaote! Gelökkeg höbbe ze, op veurhaand, de juste aantwoorde op e pepirke gekrege, aandens waar het noppes gewore.



Laeveskinnes

Iech leep op straot en woort aangesproke door e biezónder, erremeujig en vies menneke, deh mech e paor eurokes vroeg vur z'n aovendaete. Iech pakte mene portemonnee, halolde 10 € t'roet en vroeg: "As iech dech dat nouw gaef, geiste dao daan aete vaan koupe of beer?" "Gein beer, iech bin al versjillende jaore gestop mèt dreinke!" "Geiste het gebruke vur te goon vèsse ien plaats van aete devaan te koupe?" "Nein, iech verspil geinen tied aan vèsse! Iech mó't al menen tied besteije um ien laeve te blieve!" "Geiste dech dan mesjien e jachgewaer koupe um te goon jage?" "Iech bin nit knatsjgèk! Iech bin al 20 jaor nemie goon jage!" "Awel, iech gaon dech gein



geld gaeve! Wel num ich dech mèt nao m'n hoes vur een gooj douche en e lekker dineeke, gekook door men vrouw!" "Geit d'n vrouw dan nit razend zien aste dat deis?" Iech zèk: "Maok dech dao mer gein zörrege euver! Het ès vur häör hiel belangrek um te zien weij ene maan d'roet zuut as her het dreinke, het vèsse en het jage haet mó'tte opgaeve!"



Vaer zien dees twie hiere daankbaar, vur de hóllep bij het tot staand kómme van dees gezèt. Ronny en Suzanne van Fotolink, vur het lievere van fotos vur de gezèt en Jack Pietermans vur het oetstippele van een alternatief drökparcours vur dees gezèt!

Laoneker Sjang Davy Jorissen

Het ès een traditie gewore dat de redactie, de Laoneker Sjang oetreik. De Sjang geit nao ne mins deh humor, meziek, kolder en plezeer ien de Laoneker vastelaovend brink. Met deze pries wille ver dan ouch de gedachtenis aan Etienne Peule laevend hawwe, as buuteredener en as e legendarer stökske van het duo Sjang en Sjo. "Laot de poes mer pisse!" De Sjang ging al nao zengers, muzikaante, hermeniekes.... mèh dit jaor zien ver op een aander spoor beland. Sòms höbste van deij luij boe ederein van zaet: "Höbste deh al gezeen?" Dat ès met Davy zoe-wiezoe het geval. Wat e portret ès mich dat? H'r deeg het al geweldeg as Bassie. Meh vurreg jaor haet h'r ederein kinne bekore as John Tana en Joost Klein. Zen optreije waar gewoon good



en zeker origineel, dat zèlles de origineel 'sterre' nao zen fillemkes keke um hun eige showgehalte te vervolmake! Ouch boete de karneval wèt Davy met z'n creativiteit geine blief. Zoe ès her DJ en as turnmeister van de sjaol ien Waezent, vermäök her de kinder as regisseur, acteur en monteur van het Waezentse Sinterklaos-nuijts mèt grappige en plezerege fillemkes! Davy, v'r zien alwir benuijd weijste dit jaor wir ien petto höbs. Geneet ten volle van dees sjoen ondersjeijing!



Heij ès get te liere

• Mèt Halloween, gaon iech mech verkleije ien me lèste baankoettrèksel. Supergriezelig! Iech versjrik 'r ederes kier vaan!
• Aste mós keze tösse noets mie wien dreinke of 8 kilo bijkómme? Wat keeste dan? Roeje of witte?
• Stumme wërrek allein bij meziekinstrumeente. De Politiek blijf vaals spele!
• Mene zoon van 18 wilt gaere op z'n eige goon woene en haet zich iengesjreve vur een sociaal woening. Op z'n 43ste zou 'r aan de beurt kómme!
• De juste vraagstèlling op de gemeinteraod: ès dat beleid of ès dao al oets euver naogedach?

• Aste e probleem mèt miech höbs, sjrief het op e pepirke, ploei het op, duij het ien een envelop en duij het vervolleges ien den achterste!
• Volwasse zien, ès bès gemaekelek. De bès den hiele tied meug, de vertèls aan ederein daste meug bès en de andere vertèlle weij meug ze zellef zien.
• Vurwat zouwste hónderde wäörd gebruke um get oet te lègge, as eine middevinger al genóg ès?
• Knijn springe vää! en laeve ach jaor, Hón loupe vää! en laeve mer 15 jaor. Sjeeldpadde doen niks en laeve 150 jaor. Iech weit genóg!

Vóndelingesjuif

Vurreg jaor ès bij de karneval een vóndelingesjuif geïnstalleerd, speciaal bedoeld vur verlore en verlore geloupe karnevaliste tiedelek e wërrem nès te gaeve. Um zich ien alle eenzaamheid toch e klein bitteke te laote thoesveule, zien er drei fris fleskes Jupiler klaorgezat en weurt e Cd-ke mèt karnevalsmziek aafgespaeld. Ien totaal zien er (mer) twie exemplare gedeponeerd. Sómmege meine te weite dat ze d'r zèllef ien gekrope zien, umdat ze aan de beurt waore um eine te gaeve. De wèt op de privacy läöt nit touw get te zègge euver hun identiteit. Vur deij twie exemplare waar het inderdaad hoeg tied um ze effe op druug zaod te zètte. Dit jaor geit de sjuif opnuij geplaat waere vur café de Hoop, op ein veurwaarde... dat iers deij twie exemplare oet 2025 door hun familie op tied opgehaold waere! Ver begriepe dat de reïntegraotie ien hun familie enen hiele stap



kin zien. Ze zien het e jaor te good gewind en oet de weend gehawe. Dat belèt nit dat deij eindelek wir het gewoen laeve mó'tte kinne hervatte, op den hook van ein of aander buffèt. Nao tössekóms van sjepe van sociaal zaoke Patrick Maese, geit good vur ze gezörreg waere mèt e laefloen en een zoepkaort, wel pas oetbetaald op asgoonsdeg.

Christoffels Neven Claessens

ADVOCATEN

LEGGE PUNTO

Stationsstraat 150 - 3620 Lanaken

info@advocatenlanaken.be

T +32 (0)89 71.17.27 - F +32 (0)89 71.17.28

www.advocatenlanaken.be

Bouwwerken LaBri

Bessemerstraat 410

3620 Lanaken

Begravenissen - crematies nabestaandenzorg

Stationsstraat 117 | Lanaken

089 71 40 87

uc.rogerbarthels@dela.be

www.uitvaartzorg-rogerbarthels.be

J. Smeetslaan 74 | Maasmechelen

Europalaan 68 | Dilsen-Stokkem

089 76 13 26 | barthels@dela.be

www.uitvaartzorg-marcbarthels.be

Barthels DELA

Uitvaartzorg

DFA1 BV - RPR 0412.937.710

VIP Clean

To Build

e baillien

interieur en afwerking

To Be

To Boot

Ózze woerzègger vurspelt

2048


- Al jaore bekind
vur z'n vurspellinge
die altied "Jus" zien!
- z'n vurspellinge
zien noets "te nève"!

De site van den Euroscop haet eindelek z'n nuij bestumming gekrege: het Laoneker Space-Center' Cape "KINNITVURALLE", ope vur sjaole en een opleijingscentrum vur astronoute ien spe. Vurwat ien Laoneke? Haet zeker te maoke mèt de kandidatuur van Yves Goyen um de ruimte ien te goon. Yves geit kieke as nog örreges ien de ruimte e beer besteit dat 'r nog noets gedroonke haet!



Nao 22 jaor lölle ès eindelek vuroetgaank geboek i.v.m. de mobiliteit op de steinwaeg ien Rèkem. De nuije Commessair Chantal Biele ès terech fier euver de realisatie en maog de monorail aan het vollek presentere. Het ès allein spieteg dat deh rail mer van Laoneke tot aan de Sjoester löp. Eigelek nit mie as de karnevalsbois mèt vastelaovend. De weenkels zien al jaore geslote, allein nog bij de weenkels Temu, Ali-Express en Schein, kinste nog den pekskes aafhole!

2048 ès dan toch oeteindelek het druimjaor gewore vur Jean-Marie Miewesse, as nuije Preens van Laoneke! Eigelek hawwe ze 'm het Preenssjap belaoft ien 1999. Ze kestuum hóng al vaerdeg, zenen hood, pins, foto's en medaoljes waore bestèld. Ien 1998 waor den Heikaant ien opstaand gekómme tege de euverhiersing van deij van het dörrep. Ene rebel kroene tot preens waor on-mäögelek en zellefs mèt de stoet woort den Heikaant gemijd. De



commessair en de börgemeister Willen wouwe gein risico pakke. Jean-Marie II, Proficiat!



Ien 2048 ès het ien Laoneke te doen mèt het WK Koejónge.



Mèllekboer Rook van Wèzent ès klaar vur de 21ste ieuw ! Ederein van Laoneke kint de mèllekboeregeneraasie oet Wèzent. De pa haet van de Keuning de gouwe medaolje van de arbeid óntvange. Pierre haet het bedrijf iengestèld op het aan hoes lievere van veerse producte. Weij ger op de foto zeet, mèllek veers van den uijer. De koo weurt ouch gebruik um Heineke te lievere, nit oet den uijer, wel oet den achterkaant van 't bies.



Een oplossing vur de laeg kèrke! Ien 2025 waore 'r bekan mie kèrreke dan geluivege. Hoeg tied vur e kèrrekeplan vur e nutteg gebruik. Ene groete keersstaal mèt keu en verrekes ien Wèzent? Ien Rèkem ene super-Sjoester? Ien Gèllek 'ne B&B? Laoneke, moch z'n feunctie as kèrrek behawe, tot 'r e geflatteerd financieel veurstèl kaom um 'r een daansplek van te maoke: "Club Church Ursula". Rech ien de roes, eder waek volle bak en trök nao de gouwe Bamboo-jaore van 1970?




Den LVV, de tróts van sportief Laoneke, ès doorgedrónge tot de haaf finale van de Champions League. De financieel injectie van de Laoneker handelaars haet get geweldigs aan de gang gezat. De nuije Sportoase Arena beejt plaats aan 100.000 bezeukers. De oetgeweke Laoneker voetbalsterre maoke het sjoen waer.



Ouch de Neanderthealer-site ien Wèzent weurt wijer ónderzoek. Lès zien archeologe hiel touwvalleg op 't graof van Toutanbidon gestoete, ene lokale farao, meters deep ónder de liem. Vur wijer nuijs, laes het L-magazine.



Oet een ónderzoek aan de Universiteit van Herbrich, blik dat de Laoneker kinder hiel slechte tan hóbbe. Sómmege lègge e verbaand mèt het voedselbos. Ós liek het daoveur te vurbareg. Wel steit het vas dat er indertied gein neut, kestóngele, beukeneutjes zien geplaat, meh wel buim mèt vróchte mèt e hoeg sókkergehalte. Ein of aandere säöl, zouw de plaante hóbbe verwisseld. Dat ès dudelke gewore bij het verwijdere van het ónkroed.



Awwerdóm kin de remedie zien tege sleipende ruizinge of misverstande. Mie as twinteg jaor hóbbe ze op de gemeinteraod gestecheld euver vanalles en nog get. Verleije waek zien ze allebij ien Ludinaca opgenómme. Hun weerzien waor hartelek, zellefs emotioneel. Eindeloos discutere ès gedoon, het ès nouw tied vur eindrach: hetzellefde deenke, zellefs hetzellefde aete. Dao ès wieneg kääs zoe zónder tan. Sjoen um te zien!



Ien Laoneke zien ze ónverzèttelek! De nuije börgemeister A. Puts mós en zouw e nuij gemeintehoes kriege, de staand van Laoneke waerdeg, mèt comfort en zellefs een privé-landingsplek vur 'nen helikopter. De belastinge zien wel get omhoeg!



MOVE & IMPROVE
KINESITHÉRAPIE

KERKPLEIN 30
3620 LANAKEN
089/21.51.81
www.mikine.be

Uit sympathie



Aluworks heeft 20 jaar ervaring in de ramensector, voor zowel ramen en deuren in PVC, aluminium en hout. Alsook vliegengeramen, rolluiken, plooierwerken, overkappingen, silicone- en glaswerken, van kleine herstellingen tot grote projecten.

Aluworks BV
Arkstraat 41 • 3620 Lanaken
www.aluworksbv.be • 0474 633 962



LH Vijver- & Filtertechniek
Lucien Hoeven
www/lh-vijvertechnieken.be
info@lh-vijvertechnieken.be
0472 281 642 089 75 49 89



Het team van
Papillon Uitvaartzorg
wenst jullie een mooi
carnavalsseizoen



Spoonsers

Advocaten Christoffels
Apotheek Multipharma
Apotheek Ramaekers
Architecten Christoffels - Sannen
B3 architectuur
't Baguetje
Bakkerij Hansen Rudi
Bakkerij Jeurissen
Bakkerij Lambregs
Beauty Bar
Papierhandel Begas
Bertie Moors
Bessemerapotheek
Bijouterie Modeaccessoires
Bloemenhandel Lelieveld
Bloemisterij Meijers nv
Boek- Dagbladhandel Nopa
Noukens
Boetiek Salut
Bookadvice
Café Mesjeu
Carrefour
Chamira
Christoffels Lingerie
Coiffure Hairdecor
Creemers Olivier
Merode Interieur
Dierenarts Vicky Heremans
Dokter Geurts
Dominique Terwingen
Dr. Freddy stouten
Dr. Liesbet Stroeken
Prof. Dr. Vanherle
Drs. Codesco
Eddy's Coiffure
Euro Metal Coat
www.eclusieve.be
Frituur Marlita
Frituur Sint-Servaes
Friestyling Paco
Garage Anfra
Kinesist Gert Goffin
Groothandel Koffie Jovado
Haarmode Mildred
Hair Affair
Hairstyling Cokky
Hercorub
HK Keukens
Horrix en Zonen
Eetcafé Huis Meers
Ijzerwaren Bollen van den Broek
Immo Confideo
Sportshop Lanaken
Kapsalon Jacky
Kinesiste van Gelder Danielle
Lathouwers RM
Marybelle
MTR BV
Natuursteen Mesotten
Nelly's Springkasteel
Notariaat Joossens
Optiek Caenen
Optiek van Tilborg
Preens Jordy I
PU Bekledingen Marsil
Koffiehuis SeSe Beau
Tandarts Geelen
Tandarts Vaes
Aluminium TAP Products
Textiel Stico
Textielreiniging Perfect
Uurwerken Caenen
Verheyen-Heynen Peter - Chantal
Verzekeringen Driessen en Thijs
Volksapotheek S. Janssen
Reisagentschap Whitesun
Rijkschool Wirix
Vervoersonderneming Withofs
WRT-verhuur
Young Club
Confiserie de Zoete Oogst

Pleine ien Laoneke

Ien laoneke höbbe ze nogal get pleine, dao zien 'r hiel groete en ouch kleine. Soms gebruik um oto's te parkere, of um kleijer en glaos te deponere. Dao zien er ouch um luij te gedeenke, deij vur ós hun laeve móste sjeenke. En ouch boe de kermes op kin stoon, want örreges ès 'r plaats vur vandoon. Soms móste deij pleine ónderhawe meh ze kinne het 'm nogal ins begaaije. Zoe löp 't ein en 't aander al ins mis, nit good naogedach of zich vergis? Zónder euver nao te deenke miljaar,, het Ceulemansplein beij de boelvaar. Gein camions mie, meh wel blómme meh zoe geijjt dat nit potverdómme. Opins waore ze 'r ziech tevaan bewus, dat het toch nit zoe ideaal waar zoedus. Eh gelok dat ze het toch hobbe hermaak, en wir plaats vur de camions es gemaak.



Good benumme

Weij zèkste tege een vroom ien den hiemel? Enen Ingel! Weij zèkste tege e paor vrouwluij ien den hiemel? Een Ingelekoer! Weij zèkste dan as alle vrouwluij ien den hiemel zien? Vrede op aerde!

Nit wied tenève!

Ene maan zit ien de sauna en z'n auge valle op e joonk en frivool köppelke, dat saome aan het genete ès. As de vrouw enen duuk ien het zwumbad pak, kómme de twee manne aan de kaal. De maan zaet tege de jónge gas: "As iech mech nit vergis, dan mót ger twieje toch e hiel gelökkeg köppelke zien. De leefde löp devenaaf!" "Daanke", zaet de jónge kae-rel ", Meh boeveur zèk ger dat? Zeet ger zellef nog nit getroujd of zeet ger messjien nog vrijgezel?"

UNIVERSITAIR ÓNDERWIES



En iech citeer Albèr Einstein:
"Baeter ein Bèssemgezèt ien de haand, as tien aander gezètten ien de loch"

Iech höb gezag, U-Gent rector Petra De Sutter



Haw ouch gekós!

Twie blondjes stoon aan de böshalte, ze kómme aan de kaal en dan vreug het ein: "Zeet ger ouch op bös 6 aan het wachte? " Zaet het aander: "Nein, iech wach op lijn 8!" Dan keump bös 86 aan en dan zaet het ein: "Keump dat nouw ins effe good oet. Ver zitte op dezellefe bös, zoe kinne ver nog gezellig een hiel tiedje weijer kletse!"



"Nein! Iech bin getroujd en men vrouw geit vraemp!" "Ger zeet dao precies hiel zeker vaan. Messjien verbeeldt ger uch dat mer?" "Nein huur, iech bin 'r zeker vaan! Ver zien de lèsten tied al veer kier nao her en der verhuis en ver höbbe nog al-tied dezellefde mëllekboer!"

De bille touwgeknepe

Den ienvaal van de Russe ien Oekraïne haet den hiele waereld aan 't prakkezere gezat. Goon de Russe binnekort aan het Atomium of aan den Iezeren tore van Diksmuide stoon? Geit den Euro wir aafgevoerd waere vur de Roebel? De Russe höbbe de waereld, Europa, zellefs Belsj aan het deenke gezat euver den touw-kóms. Ouch de umgaeving van de poort van Europa óntsnap er nit aan! Steit ós 'nen hóngersnoed te wachte, mótte ver wir zellef goon koke, of slete de friture, geliek ien 1978? Ès het wir ederen daog otolozé zóndeg? Goon de manne nao Russia gedeporteerd waere um keugel te maoke? Geit Herbrich iengenómme weure, umwille van de strategische plaats aan de Maas en aan de grens met Holland? Napoleon zaleger zag al: "Dèh wat Herbrich bestuurt, behiers de waereld!" Ien 3621

ligge ze al ien de loupgrave. Den oorlog mèt Laoneke zien ze al jaore aan 't voere. Het zulle straffe Russe mótte zien um de Sjoester, inclusief z'n klaantebestand, aan de Roe-bel te kriege. Hitler ès, van den angs de strijd um Rèkem noets begós. Nit de meujte of nit ien te numme? Hiel get Laonekenaere kampere ien het weekend al bij de Sjoester, kwestie e plaatske te reservere, ien deij veilige vestiging. Het ès de vraag as ze heijveur wel de juste kaart höbbe. Ouch ien Kèsselt zitte ze mèt de bille touwgeknepe. De baetere staand haet al eier vur hun geld gekoze en zit ien het boetelaand, örreges versjole achter Tournebride, richting 3621, boe ze, boete de verke-zinge, ouch op get trawaante kinne raekene. En Wèzent? Dao zien gein aanwijziging dat de Russe vur Wèzent belangstelling

koestere. Messjien dat Mathieu van de Wottelzekskes, tot Tsaar ad interim kin beneump waere. Aste deij bende van de Wottelzekskes ien het gareel kins hawe, bèste ouch tot nog groeter zaoke ien staot! Wel waarsjouwe ze dat ze nit hiel Kèsselt kinne opvange, toch zeker nit ien het Wottelesezoen. Dan ligge de sjeure vol mèt het lokaal goud. Ouch de sporthal ès 'r nit mie en de tinyhuiskes zien te klein. Messjien kin e referendum, veurgestèld door de Bòrge-meister, dudelekheid bringe mèt de vraag: "Pakke ver al-lein de minse van Kèsselt euver of ouch de keu en de paerd? De Hollenders mótte zellef hunne plan trèkke! Iech bin benuidj as er deze kier op de bevraagging mie as 1 % van de bevolking geit aantwoorde. As de hiel familie ROOX geit stumme, dan weurt het Yazzend-Kesselt.

Boe zitte ze now wir?

Euver het technis personeel van de gemeente, maogste op ze mins zègge, dat ze 'r een apaort laevesritme op naohawe. Hunne laeves-aojem hole ze oet sigrètten en koffiedaamp.

Anderzijds zien 'r te wieneg biologische en wetensjapeleke bewieze um te zègge dat ze zoe good as doet zien umdat ze aamper bewaage. Bij dit kaliber ès de weenterslaop gelegitimeerd, dus het hiel jaor door! Vur de res weurt hun laeve, boete leech en duuster, gestuurd door een ónverklaarbare tiedsberaekening. Den daog begint um ach oor mèt koffie en teambuilding rond het koffiemesjien. Ouch hiel belangriek vur de geis-teleke gezoondheid! Tege negen oor 'vlege' ze bij wijze van spraeke de deur oet um het ierste deil en enege opdrach van den daog tot ien de p(e)u(n)tsjes oet te oefene, um zeker op tied trök te zien op de koffie van de vurmiddgebreak. Want daonao ès het mer kort daog. Um twelief oor begint al de middegpauze. Iech vermoed dat nit ederein ene stoel ter besjikkig haet, want vanaaf 11.15 u ès het file-rij op de



Keuning Albertlaan, door de struim van gemeente-böskes en kamions richting TD, um proper aan de boterhemkes te beginne of? Welk geheim zit er t'r achter? Wèh het ierste trök op den deens ès, mót (en maog) ze böske het wijdst op het gelaeg parkere. Vervolges weurt h'r daodoor iengeslote door z'n collega's en zoe kin 'r ien de naomiddeg pas as lèste de baan op. Het spel-leke ien de naomiddeg deit mech deenke aan de Chiro vreuger. Maok uch den hiele middeg ónzichtbaar en zörreg dat uch geine vindt en zeker nit zuut! Gaot op ien het laandsjap, verdwijn wie een kroot ien het veld, zeuk de gezón bosloch op of duuk weg achter ene moer!

Meh... haaw zeker den tied ien de gaote! Tege keteer nao drei weurt dit deil van het personeelsbestand trök zichtbaar. Sòms zègge de luij: "Het zien de gemeentewèrkers van vreuger nemie." Dat klopt! Vreuger ginge deij manne nog iers den ierste de bèste café binnen, um ore laoter mèt e stök ien hun galètten nao moeder de vrouw aaf te zakke. Stikkepot gewèrrek! De sjepe van vreuger wouw ene bruisen-den deens en zat ene GPS ien de kamionètjes um ze nit al-tied te mótte goon zeuke. Dèh van nouw trakteert op vriedeg pizza, um hunnen daogeleksen ienzat te beloene. Ene mins weurt al meug bij het sjrieve van dit stökske.

Bijenteeltmuseum
Bessemersstraat 432 LANAKEN

Alleen op afspraak
achiel.geurts@telenet.be

immo Nulens
Schumanplein 14, 3620 Lanaken - 089 71 04 40 - immo@nulen.be - info@immonulens.be

TE HUUR Hebt u eigendom te koop of te huur? Vertrouwen en persoonlijk

TE KOOP Zoekt u een onroerend goed? Klantvriendelijk en met zorg!

GARAGE VANDERVEKEN
Rijksweg 946 DILSEN
089 85 36 08
info@garagevanderveken.be
www.garagevanderveken.be
BE 0842.283.167

VERKOOP - ONDERHOUD HERSTELLINGEN
TAKELDIENST 24/24 - AIRCO-SERVICE
SPECIALISATIE

TOMMY'S CARROSSERIE
HERSTELLING ALLE MERKEN
★★★★★

ERKEND HERSTELLER
KBC, AG, Beloise, VAA, Belfius, DVV, Allianz, AGORA

VRIENDELIJK ONTHAAL, VAKMANSCHAP, PERFECTE KWALITEIT EN SERVICE...
DAAR STAAN WE VOOR!!!

AMBACHTSWEG 9, LANAKEN
0475/33 48 34
www.tommyscarrosserie.be

De Russe? Ze kinne ze kusse!

Dat waar mech get ien 't najaor, ederen daog dronealarm. Bove Kleine Brogel, Kiewit, Zwartberreg, Mol, Herstappe... zellefs bove Sint-Truije. Allein bove Laoneke bleef het stil. Vur de Russe bleek het zellefs nit nutteg um ins bove het gemeentehoes te cirkele. Hawwe de Russe al door dat dao gein fluit te zien waar? Zellefs het bruisende centrum van Laoneke bleef oet het aug van de Russesstörrem. Nouw, het gemeentebeestuur haw z'n veurzörreg genómme door het Ceulemansplein óntouwgaankelek te maoke vur droneverkie. Ze ginge zellefs zoe wied dat oet pure vurzichtegheid alle camions van het plein aaf móste. Gein drones, dus ouch gein camions. Ien Laoneke weurt rechlijneg gedach! Het afwaergesjót woort ien stelling gebrach, polies-oefeninge um de drones oet de loch te sjare. De Russe zulle gedach höbbe, mèt deij Laonekenaere vilt nit te solle. Mer good ouch.

Laeger moug ónbekinde drones neersjete



Dronespray

Vapona haet 'ne nuije spray óntwikeld boemèt snel en effectief vliegende drones oet de loch kinne gehaold weure. De Dronespray kin ien Laoneke allein gekoch weure bij iezerweenkel Bolle. Ien Rêkem kint ger terech bij de Jumbo, Albèr Hein, de Hubo, den Aldi en ien nog een fieftegtal aandere groete handelszake.



Alle probleme waere ien Laoneke desnoets chemisch opgelos.



Höllep oet Duitsland

Ós ministerie van Defensie krijg vur het aafsjetje van de drones höllep oet het boetelaand. Duitsland levert o.a. een volledig bemand aafwaergesjut.



De kamion van Gobo waar mèt doeve van het Groene Woud nao Frankrijk gestuurd. Bij de lossing bleek dat er gein eenkel douf mètgereis waar. Den hiele aanhenger zaot vol droons, doezende... ze hawwe precies ónderwaeg nog ge-jóngeld. Spieteg vur de femillie Vuerstaek. De priem van 10.000 euro zal vur de volgende kier zien!



Blief ien uch kot

Het zaog 'r nao oet dat ver wir ien een crisis weij Corona terech waore gekómme. Deze kier kaom het DWIN-GEND ADVIES, um ien uch kot te blieve, nit vanwege Marc Van Ranst mèh van de menister van defensie Theo Francken. Mèt droons bove denne kop vilt nit te lache.

Doeve nao Ruslaand



Valère, 'ne bekinde doevemelker oet Laoneke (midde op de foto) geit same mèt twee doevemelkers oet Rêkem, z'n doeve ienzette op verkenningsvluchte bove Ruslaand. Vur het droppe van bómme zien de doeve nit gesjik ... ze droppe - op de foto ès dat dudelek te zien - precies get anders. De Russe goon dao nit contènt met zien!



De Polies van de zone LAMA haw zich de vekaansie 2025 hiel anders veurgesteld. Gein piepele vange, weij anders, wel ne safari op touw zette um droons te arrestere. Den enegedèh ze gevange hawwe, bleek nit oet Ruslaand te kómme mèh oet de Laoneker heij. De flawwe plezaante H.René maog zich aan e dik preces verwachte.

Wèh deit ós get?

Guido en Karen, allebei lede van Jus te nève: proficiat met ugge 65ste verjaordeg! Guido ès zellefs veurzitter van de aijdeste, 47 jaorege Belsje Zaote hernemie! Lekker genete van uch gelök ien de camper: "Wèh deit ós get?"



D'n droon van Patrick

Mót g'r hure, dit ès ech woer gebäörd, iech höb mech van het lache besjöörd. Patrick spaelt op trompet en sousafoon, määk filmpkes en foto's mèt zienen droon. Met z'nen tuf doorkruus h'r alle lande, ouch boe 'r bekans ien de bak kin belande. Vur get opnames ging den droon ien de loch, zónder te weijte dat dat dao absoluut nit moch. Ze dachte dat Patrick 'r kaom spionere en waore hiel rap tebij um h'm te arrestere. Het waar nog mer jus tegooij oetgepak, direc höbbe ze h'm z'ne droon-zoemer aafgepak. H'r mós onmiddelek mèt vur e verhuur, God zij daank, het waar mer van korten duur. Z'nen droon haet h'r kinne recuperere, nao doezend euro te mótte deponere. Hopelök weurt h'r nit weijer vervolleg, door ós weurt het zeker weijer opgevolleg.



drankenhandel
PÖESEN

Schutterijstraat 4 | 3740 Bilzen | T 089 412 272 | www.drankenhandelpoesen.be



Borduren van namen en logo's op allerhande textiel
Maastrichterstraat 117
3740 Bilzen
www.estitch.be



Beenhouwerij Otten
Henri Dunantstraat 10 • Lanaken • tel. 089 71 42 84
Open: dinsdag-vrijdag van 8.00-12.30 en 13.30-18.00,
zaterdag doorlopend van 8.00-17.30 • Zondag en maandag gesloten.

Grondwerken Remans BV
containers • bestrating • tuinaanleg

Boomschors • Siergrind • Teelaarde
Chape zand • Stabilisatie • Metszand
Magere beton



Leutestraat z/n, 3690 Zutendaal
(Militair domein)
089 613706
grondwerkenremans@gmail.com

iech winkel(h)ier,
diech ouch?

koup bij ós óndernimmers

b

de
bandencentrale

Bedrijfsweg 20, 3620 Lanaken
089 46 33 40

- Primus viert carnaval in Lanaken -



Brouwerij HAACHT Brasserie
Provinciesteenweg 28, B-3190 Boortmeerbeek
tel +32 (0) 16 60 15 01 - info@haacht.com - www.haacht.com
Bier met liefde gebrouwen, drink je met verstand

IMMO
FAIR

(VER)KOPEN
ZONDER
ZORGEN

WWW.IMMOFAIR.BE

Taking home
good
oments

McDo Lanaken

FRIJOUR
BROODJESBAR

T SMULHEUKSKE

BIJ BART & TANJA



Bessemestraat 8, 3620 Lanaken
089 71 21 01

akp

Keulen

More than a floor

Als de Ridder touw ès, ès er toch ope,
door de blómme-otomaat kinste altied blómme blieve koupe!

de Ridder

Bloembinderij
de Ridder
089 711 911
aan de groete bol
op 't begeen van de
Jan Rosierlaan (nr. 57)



De tennis-
en padelclub

De tennis-en padelclub zèt ouch dit jaor ins de gekke naas op, het ès karneval en dan mót 'r gefies weure. Nao de karneval smèlde de kilo's t'raaf door te tennisse en te padelle. Klaor vur de zomer, dan ès het pas meines!

AI ien karnevalsmeziek

AI ès nit óze waereld binne-
geslope. AI haet ózze waereld
iengepak, verouverd, euver-
woekerd. Zoe haw het Poe-
tin vur auge bij aanvang van
zenen oorlog ien Oekraïne.
Ver hóbbe 'ne kier de tes ge-
doon um te zien ien wieverre
ouch de karneval en zellefs
de karnevalsmeziek zien ien
te palleme door AI. Laote
ver beginne mèt te aanvaar-
de dat nuij technologieë nit
oet te slete of weg te deenke
zien! Zèt de Raod van Laon
tot Aoke binnekort alles op



computergestuurde meziek,
dan kinne Beppie en Frans
eindelek op pensioen? Bernd,
Mipo, Juulke, den dop op? Of
kriege ver Zeppie en Lernd, as
AI tössealternatieve?

Wilt ger
e glaos wien
vur uch
vrow?

Dao kin iech
mech ien vinde!
Dat liek mech
ne ierleke deal!



Ver hóbbe mèt de redactie aan
AI gevraag e karnevalsleedje
te maoke, hóbbe get ingre-
diënte aangeboje en het pro-
duc maog er bès weze. Zeker
as ver dao nog wijer tied ien
staekte. Zellefs het AI-Laone-
kers waar baeter dan dat van
de börgemeister van Laoneke.
Wilt ger uch ins vergewisse
van wat het gewore ès?

Aajd meh wel slum!

'nen Awwere maan lóp op
ene vriedegmiddeg mèt ze
joonk vrindinneke ene juwe-
liersweenkel binne. Her ver-
tèlt dat 'r op zeuk ès nao 'ne
speciale reenck vur ze vrindin-
neke.
De juwelier toent oet zene
veurraad e sijk exemplaar
van 5000 €. Den awwe maan
läöt mërreke dat de juwelier
precies nit good begrepe haet
wat 'r gevraag haet. Her wilt
get speciaals, get bezónders,
get oetzónderleks! De juwe-
lier ès van de hand Gods ge-
slaoge en touvert ene nuije
reenck van 40.000 € op de
toenbaank. De auge van het
joonk deenk gleenstere, h'r
lief trilt van opwinding. Tei-
kens um euverstag te goon
en opa zaet: Dèh koupe ver!"
De juwelier informeert euver
weij de betaling geit gesjeje,



want her wilt absoluut zeker
zien dat alles oke ès. Dne aw-
were maan stèlt veur um ene
cheque oet te sjrieve.
Maondeg mót de baank aan-
gaeve of de cheque genóg
gedèk ès en op de raekening
van de juwelier steit. Pas ma-
ondegmiddeg weurt de reenck
aafgehaold. Maondeg belt de
juwelier,gaans van de kook,
den awwe maan op mèt de
melding dat er gein geld op de
baank steit. "Iech weit het",
zaet 'r, "Mèh ger kint uch wel
veurstèlle wat vur e weekend
iech achter de rök hób..."

De vrouwe van Sjut ien
wille nit achter blieve



De kaerels van de groep kinne al ins good de blumpkes boe-
te zètte. Sóms ès het ouch al ins get mie dan dat. Op de foto
zeet get 't vrouwvollek, ze laote deze kier de kaans nit vurbij
goon um ouch ins good het verreke oet te hange. Och, aal bij
aal vilt het allemaol nog good mèt, want boer Theijnes hilt zene
vèrrekesstaal good ien de gaote.

Heij spraek iech
(haaf)Laonekers...

Het Laoneker dialec ès nit zoe
seempel aan te liere as het
messjien liek. "Het" Laoneker
dialec, op zich, besteit nemie.
Ver woene allemaol hiel kort
tege de Hollandse, of nog bae-
ter, de Mestreechter grens.
Óze leenker en/of rechter
buur ès vermoedelek ene
Mestreechtaer. Van boe
den euverbuur keump gaon
iech mech effe nit oetspraake.
Mèt aander wäörd, de ming-
eling van de twee dialecte ès al-
ledaags en frequent. Het Lao-
neker dialec besteit nog wel
bij awwer minse, meh bij de
res hóbbe ver een umgangs-
en een mingtaal, 'ne melange
euvergehawe. De kleenkers
zien ouch get zachter gewore,
door de zachter Mestreechter
klaanke. Het Laoneker 'bae-
ter' ès 'beter'? Het dageleks
'laeve' weurt het 'leve', 'gaere'
is 'gere' enz. Het kleenk mes-
sjien get mie zingerig ien de
oetspraak. Ien de leedjes zien
de klaanke get langer getrok-
ke en daodoor baeter te zinge.
Toch zien 'r frequente foute
bij de Laonekenaere zellef.
Zeker ien de meervoudsvör-
reme. Laote ver dit stökske
de ierste (correctie-)lès heite.
Gewoenlek weurt vur het
meervoud, een 'e' of een 's'
bijgevoog: ene fits weurt twee
fitse, Een mep tegen den
oere weurt, twee meppe, 'ne
foto weurt twee foto's, 'ne



iech kat al plat,
gaer ouch?

óto weurt twee óto's, enz... De
meserie begint as de kleen-
kers goon veraandere: eine
boum weurt twee buim, 'ne
stroek weurt twee struuk, 'ne
baal um te sjotte waere twee
bel, e blaod aan ene boum,
weurt versjillende blaojer aan
de buim, ene laesbook weurt
laesbeuk...
Dan hóbbe ver nog get bij-
zónder wäörd, bv. den eulen-
taer, fitssepap... deij zien hiel
specifiek vur Laoneke. Mes-
sjien get vur vollegend jaor!



Dit sjoen kebouterke veert op kar-
nevalsmaondeg häöre 69ste ver-
jaordeg! 69? Toch wel e speciaal
getaol! Dat weurste mer eine kier
ien de laeve. Proficiat van redactie
en vrun.

SIDEX

www.sidexbv.be

BNP PARIBAS
FORTIS

Lanaken - Riemst - Rekem

BELÈGGE MÈT DE BÖRGEMEISTER



Weij edere goje of zeker de baeter Bekinde Vlaminge tegewoordeg op Facebook, gief nouw ouch óze börgemeister uch belèggingsadvies. Z'n ierste belèggingsadvies geit euver e hot item ien Laoneke: Parkeerplaatse vur camions. Vur de degelekheid van ze projec läöt 'r zich nit informere door de plaatseleke aboriginals. Her haet zelf e selectief gruppe saomegesteld, dat zich leut leije door ze geveul en verstaand. Twie zaake deij ien Laoneke al ins wied van de realiteit aaf stoon... en langs de roes gesjote. Het ès zoe wied gegange dat Marino zich tot patroen van de camionchauffeurs haet

laote aanstèlle, ene strategie dèh al mie gebruik ès. Aste dene vijaand nit kins versloon, maok 'm dan tot vreund.



Twiede belègging : Fluvius Eder jaor ès er wel ene polletieker dèhe ne verleehtingspaol umrijt. Dat kin de bèste gebäöre, zellefs eine van het team van de Börrege-meister. Dat vreug natuurlek vur naovolleging...

Nog nit zoe lang geleije leet ouch eine van het Vlaams Belang z'n kaans nit ligge, örreges op de Bèssemerstraot, kort bij het gecontesteerde en door blaw bejubelde Ceulemansplein. As ver dao ien Laoneke een gewoente van goon maoke, dan ès de gemeintekas gaw laeg. Fluvius maog deij allemaal opnuij zètte. Dat brink geld en welstaand ien de kas van Fluvius. Ver kieke oet nao wèh van de aander partije vollegend jaor z'n kaans ruuk!

'nen Derde tip: Verkoup alle belègginge van de Lijn, want ien de organisatie van de Lijn zit gein lijn. Boe luij de bös wille pakke, dao rijt gein bös. Boe de minse minder gaw de bös nudeg höbbe, sjeze de bösse beumper aan beumper euver de straote. Op de polletiek kinste nit raekene vur logische aanpassinge. Johan, trèk het dech aan!

Roond den tram mótte ver niks mie verwachte. Geliek ien oorlogstije, um de vijand alle weend oet de zeile te hole, geit Mestreech z'n brök euver de Maas aafbraeke. De verbinding mèt Mestreech per duukboot weurt wel een optie natuurlek, of een amfibie-snelbös deij euver de waeg en door het waoter kin rije. Deenk eraan de vinsterkes optied te slete.

Kritische noet... Opgepas, mèt al deij belèggingsadviseurs, ze zien dèks nit te betrouwe. Ze zien er wel allemaal gladgesjore oet, meh tèle ès nit hunne sterrekste kaant. Iech wil dao niks met insinuere... höb ge ien het



lèste beukske van team börgemeister het euverzich van alle investeringe ins bekeke: vur 41 miljoen... nouw mót ger deij ciefers van investeringe ins optèlle... ger kómp aamper aan 28 miljoen. Weurt de res ónder de erreme verdeild? Onder de leenkse en de rechse? Weij zègge ze, de minse appele vur citroene verkoupe... of ene flaoter van den drökker?



Waervurspelling vur de Vastelaovend 2026

Weij eder jaor krijg ger van ós het waer vur de Vastelaovend :

Vriedeg 13 fibrewari:

Daog van de Machseuverdrach. Het waer ien Laoneke interesseert geine mins. De baeter karnevaliste zitte lekker druug op het gemeentehoes... ore laank te luustere nao de hiel verstendeghe kaal (zeiver) van tón(g)kwatsjer Marino. "Wat een spreker is die man, bis, dat is een man die ouwehoere kan..." (Seth Gaaikema)

Zaoterdeg 14 fibrewari:

Valentijntjesdaog, vur de manne deij 'ne wösje blómme aan hun vrouw höbbe gegaeve, ouch vur de vrijgezelle: "Kroegetoch". As het druug bleif, ès er gein probleem. Aanders zit 't niks aanders op dan tösse de buije door van café te veraandere.

Zóndeg 15 fibrewari:

52ste Laoneker Bèssemkara-

vaan! Niks vur ien ugge bloete roond te loupe, want het geit kermelle raegene.

Maondeg 16 fibrewari:

Hiel zeker gein hittegolf. Vur de res ès het nog koffiedik kieke.

Deensdag 17 fibrewari:

Hekseverbranning aan het gemeentehoes. Hopelek blijf het druug, aanders brant deij heks nit tegooi. Bring uch sjoenma en eventueel uch sjoenzusters zeker mèt en belaf den aovend van uch laeve, mós het druug blieve.

Goonsdeg 18 fibrewari:

Geliek het vandaag oetzuut, geit het raegene dat het zeik. Och, 'ne gojen hiering mót kinne zwumme.

Wat het waer betref, kinne ver e klein bitje telangs zitte, ger wèt wel... de opwerreming van de aarde. Vurwat de karnevalsambiance betref, veule ver ós zekerder. Laot de boel mer lekker weije en ammezeer uch!

De job van de laeve

Op ene sjoenen daog ien de laeve steit denen druimjob bij diech vur de deur.

Ger gaot het nit geluive, meh ien Laoneke pakke ze alles gróndeg aan! Een Laoneker freule, Stien Christoffels, mèt hiel get ieretels as studente Greunmanagement, geit de buim tèle binnen de gemeente. Stien haet zich ien 2024 – 2025 al verdeenstelek gemaok door mèt enen oetgebreide inventaris van de gemeentelike buim de basis te lègge vur e boumbehiersplan. Dat plan zal zeker gein ónderhaajds- of snoeiplan zien. Dat ès een materie deij dudelek nit door ózen technischen deens geleefd weurt en (bijgevolleg) as de pes gemeid ès. Nouw ès de tèlling begós op de Buijelsberreg um zoe aaf te zakke nao het centrum. Ze zit al aan e paor doezend buim.ó Het liek mech e gezoond en wieneg stressvol werrek, alhoewel? Vanaaf weij hoeg goon ver ene boum as boum mètèle? E buimpke van enen have meter, beaantwoordt dèh aan de definitie? Wat mèt ene groete strouk? Weij mót de tèlling verloupe aan het voedselbos? Het liek mech microscopisch werrek um tösse het ónkroed ene puberboum trók te vinde. Weure deij sjeutjes ien de wach gezat of ien aafwachting van goedgekäörd? Zien de nuij buimpkes op het Europaplein al ien aafwachting geteld of mót Sien iers het bestoon ien een notarieel akte vasgelag höbbe? Het werrek zal nog versjillende jaore dore. Daoveur ózen oproop aan de bevolking: "Blief de ierste vief

jaor van uch buim aaf! Keump uch de meserie i.v.m. ugge boum, buimpke, groete stroek, kleine stroek, conifeer, hèk, bonsai, enzoe-wijer de stroot oet, pak daan e pilleke tege de spanning en sjangerij en laot alles stoon tot Sien ès langgewaes. Enfin, Sien haet nog e paor jaor werrek. Lèt op, as ze den tël kwiet ès, dan mót ze opnuij beginne. Dao ligge nog get opdrachte te wachte: kleenkers tèle op openbaar domein, kiezels sortere op kleur en gruuete op tal van pleine... Nit te doen!



De Badjakkers



Ien oktober 2025 organiseerde "de Badjakkers", ien het ierste jaor van hun bestoon, ne gekke middeg ien het zoer-moosfebriske.

Nouw huur iech uch deenke (dat kin pijn doen): "Who the fock zien de Badjakkers?" Iech kós dat woord zelf nit en google haet mech op waeg gehollepe. Ne badjacker ès ene sjellem, ene laege, ene sjurk... Mesjen zien de synoniemwäörd vur badjacker get d'reuver. De basis van de

groep besteit oet Bart Nickmans, enthousiast lid van de Raod, Ken Martens, mèt zen femillie de drieve krachten van Electro Stylmann en Tom Hendriks, lid van 'Sjöt ien en zoep oet' en gids ien het fort van Ebenmael. Deij manne höbbe, mèt steun van supporters ne middeg op pu gezat. De opbrings waer vur e good doel! Ze höbbe de fan van het jaor, Warre Vanhaere ien de blumpkes gezat... dèh jóng wis van toete en bloze... Optrejes van artiste, woorte

aafgewisseld mèt foute meziek, ien hun bewoording "slechte meziek". Zoe waor 'r het Harie-keteerke, het "All i want for Christmas-eurke" en dat ien oktober. Gaans gekke slogan, tot ien de perfectie oetgevoerd. Vaer as redactie waore 'r fleenk van ónder den ien-drök! Vollegend jaor op 11 oktober, geit hun twiede editie door. Tenminste, as ze nit vas zitte umdat ze hunne cheque iengeruuld höbbe vur ne strandstool op Ibiza.

VISTASUN
zonwering van A tot Z
De lange beemden 14/3 - Heusden Zolder | hello@vistasun.be | 011 49 67 00

GRONDWERKEN - INFRAWERKEN - RECYCLING - BETONCENTRALE - CONTAINERVERHUUR

HERWEY
EUROPA - DE PESTERIE
Europark 114 - B - 3620 Lanaken - Tel. +32 89 73 16 20 - info@herwey.be - www.herwey.be

Citytax
089 23 56 57
Laoneke

HOEVESLAGERIJ WILLEMSSEN
(H)EERLIJK VLEES VAN ONZE EIGEN BOERDERIJ EN AMBACHTELIJKE CHARCUTERIE

Molenbergstraat 60
3620 Lanaken
+32 477 40 09 63
willemsen_guy@hotmail.com

Donderdag 09u00 - 18u00
Vrijdag 09u00 - 18u00
Zaterdag 09u00 - 16u30

Proxy Genk
Stadsplein 15 3600 Genk

Assistu
WEBSITES & E-COMMERCE
[DIGITALE] MARKETING
WEBAPPLICATIONS & MOBILE APPS
BUSINESS CONSULTANCY
IT ADVIES
www.assistu.be

Tuincentrum Miermans
Daelstraat 109 • B-3690 Zutendaal
T. 089 61 17 81 • info@tuincentrummiermans.be
**Bloemisterij
Boomschors
Tuincentrum
Dieren-
benodigdheden**
Openingsuren: di. t.e.m. za.: 09u.00 - 18u.00
zo.: 09u.00 - 16u.00 • Maandag gesloten

**BOUWBEDRIJF
KEULEN H.
BETONKELDERS**

BIDOS
Kon. Albertlaan 43
3620 Lanaken
089 20 30 39
facebook.com/bidoslanaken

HURKMANS
In- en Verkoop houten pallets
Sandersweg 200
6219 NW Maastricht
Tel. **31(0) 43 3251111
Van Akenweg 90
6218 HP Maastricht
info@hurkmanspallets.nl
www.hurkmanspallets.nl

Thuisverpleging
Aelbers Sanne & Team
0473737007

Break Time
Hier staat de tijd even stil
om te genieten van een lekker
broodje, drankje en ijsje.
Marijke & Wilfried
Stationsstraat 91 • 3620 Lanaken
+32 89 23 20 68
info@breaktime-lanaken.be

Hillewaere
VERZEKERINGEN
BEWAKERS VAN GELUK
Bessemerstraat 454 • 3620 Lanaken • Tel.: +32 (0)89 73 03 00

BRANDSTOFFEN GEELEN
Gasoile Petroleum Diesel Gas Kolen
Kleine Omstraat 3, 3620 Veldwezelt
Tel: 0032 89 71 50 72 • Gsm: 0032 478 96 71 69
geelen.brandstoffen@pandora.be

THUISVERPLEGING BRENDA
AMBER, HANNE & INGE
+32 494 65 00 22
REGIO: LANAKEN & MAASMECHELEN

**Algemeen Tuinonderhoud
MARK ULRICHS**
0477 131 101
mark.ulrichs@telenet.be

jbm
JOLIENBRIERSMEDIA
jolien.briers@hotmail.com
0494 40 47 48

Café Tot Seffens
Koning Albertlaan 212
3620 Lanaken
Carnavalsdagen
zeker open
• hou FB in de gaten
i.v.m. de openingstijden
tijdens carnaval

FORESTA
LUNCH - DINNER - DRINKS

GRAVAJO
Graveeratier Jonas
Heirbaan 171
3621 Rekem
0494 22 23 12
Jonas@gravajo.be
BE1028.014.314

Drutti planten
Maastrichtersteenweg 239
3620 Smeermaas-Lanaken
Tel. 089 73 15 70
GSM 0475 62 19 76
drutti.planten@telenet.be

BERNER

BB
BEAUTY BY BRITT
NAGELSTYLISTE
SCHOONHEIDSSPECIALISTE
PEDICURE AAN HUIS
REGIO: LANAKEN & MAASMECHELEN
+32 470 04 59 40

18 Gein drones bove, ónder, lengs, noch ien de Bèssemgezèt !



Nuije groep ien Laoneke:

C.V. Grensplezeer oet Smeermaos

Dames en hiere, jónges en meitskes, maog iech bij deze uggan aandacht: Dao ès ene nuije karnevalsgroep ien Groet-Laoneke en dèh groep ès gebore oet ene zaoten ienvaal van drei gooj vrund: Kevin V., Aaron G. en Sacha N. Op ene gezelligen avond kóste ze hun meining de vrije luipe gaeve en ze zachte: “Het

ès tied vur get fris blood en mie plezeer ien Smeermaos!” En zoe ès C.V. ‘Grens Plezeer’ bove het duipvoont gehawe. Mèt ós kleurege pekskes, een eige thema en enen houp humor trèkke ver strak door de straote en zörrege ver euvemaal vur ambiance en laeve ien de brouwerij! Vastelaovend beteikent vur ós: saome la-

che, saome stóm doen en herinneringe deile deij ver al lang mèt ós mètdraoge en boe nog ederen daog aan herinnerd weure! Dus kom debij, zweij mèt, zing mèt en laot uch ins good goon, want heij keump C.V. ‘Grens Plezeer’ oet Smeermaos - de nuij bende tot aan de grens en tot zellefs t’reuver!



Doorbieters 3x11

De Doorbieters bestoon dit jaor 3x11, al mie as 33 jaor zien de Doorbieters as groep actief aanwezig ien het Laoneker karnevalsleeve. En weij het enen echten Doorbieter betaamp, biete ze zich vas ien eder activiteit! Euvemaal boe get te doen ès, zien ze present, van Rotem tot Vlijtinge. Hun karnevalsfuif van dit jaor waar ene voltrefter, mèt optreijjes van Buren van de Brandwaer, 4TON en Massimo. Vër as redactie kinne dan ouch eenkel ózen hood aafdoen vur dees prestatie. Laot de champagnekorke mer fluite, de beerdöpfkes mer knalle en maak ‘r e spetterend jubileumsezoen vaan!

Altied bij mech

Ene maan lik al enen hielien tied ien coma. Z’n vrouw wiek gein menuut van z’n zij. Op zekeren daog keump de maan wir bij bewuszien en zuut z’n vrouw op béd naeven ‘m zitte. Her fluustert zach ien häör oere:” Ien alle slechte daag bèste bij mech gebleve... douw iech óntslage bin, stinste vur mech klaor! Douw iech failliet ging, höbste mech nit laote zitte! Douw ós hoes aafbrande, zien ver saome op zeuk gegange nao een ander hoes. M’n gezoondheid ging acheroot en de bleefs altied aan m’n zij. Wètste wat iech deenk?




Menier, ver goon tevaan oet dat ger gewoen “Jao, iech wil” zek, ien de plaats van “Allemaal good en wel, iech wil het wel ins ne kier probere ...”

De vrouw kroog de traone ien de auge en zag: “Zèk het mer sjatje, zèk het mer” snóttert ze... “Daste mech óngelueflek vööl óngelök gebrach höbs, lielek kring!”

TILLEVIEZIEPROGRAM & FILLEMS




Mr & Mrs Sohl – Thoes bij de femillie Sohl geit het 'r sòms steveg aan touw: de fleure en de glaoze vlege dan ien het rond. Zèlfs e sjoot van e gewaer bliek nit te gek, as Jacky zich wir ins fleenk haet laote goon op ne wienavond iengerich door Wines en Bites.



The Naked Gun – As Patrick (Paulussen) zen bèste 'detectiveskills' bovehäölt, ès alle criminaliteit ien Lanaken zoe opgelos. Daoum begint h'r vandaag mèt een ónderzoek ien de café's deij h'r ien ze laeve nog gemis haet.



Top Gun – De fillem van venaovend, mèt Lo-wiek Meyers, geit euer ne toppiloot, deij wel get kin hóbbe en bombardemeente euverlaef! Ver hope mer dat het good aaflop!



Dying for Sex – Janice ès nog altied gelök-keg met hääre vreund, mèh aan trouwe zien ze nog nit touw. Dao mót nouw mer ins dringend werrek van gemaak waere, deenk Janice!



Baywatch – Mario (Thijs) en Dries (Machon) maoke dit jaor ne carrièreswitch, ze goon redder waere bij Sportoase! De lêsten hoop geit vlege vur Guido (Sondeijker) en alle zwummers deij óntredder achter blieve.



Kissing Booth – De fillem op Netflix geit euer Danny (Stassen) deij hopeloos verleeft weurt en d'rop oet ès um zoevöl mäögelek meitskes te pune. Luc (Prevaes), deenkelek get jeloos, vrees iech, deenk er het zijne van.



Convoy – Fillem mèt ien de hoofrolle Marino Keulen en Jolein Martens. Ze zien mèt nog 13 andere collega's in konvooi, op waeg nao het Keulemansplein. Dao aangekómme maoe ze hunne kamion nit parkere. De CIA oftewel ien het vloms den TD haet vur te peste het plein aafgeslote. Van den vrun móste het hóbbe!



Avatar3 – Prachtege fillem mèt Pieter Curvers en Tim DeSpaey. Dao kinste ore nao kieke... totdatste blaw weurs. Nit gesjik vur kleurgeveulege kinder ónder de 15 jaor, of volwassene mèt ne allergie vur kleurstof! Eder-ein krijg ne breel gatis vur te kieke ien 3 D.



Squidgame – Marc (links Fraussen) ès de secret gameleader! Zoewel op de gemeenteraad as ien het ech, kin her alles op alles zètte um te winne en te euverwinne. Jasper (rechts Schenk) mót dan ouch alle register opegoeije um te zegeviere.



How to train your dragon – Op eder (good) karnevalsbal zuuste wel 'ne kier ne vuurspeijende draak. Um dat bies te tumme... das een aander paor mouwe!



So you think you can dance – Petra (Ceustermans) guijt de bein los vur ne Weense waals. Nog get weijer blieve oefenen Petra vur de vollegende editie van SYTYC! Op dit memeent bèste nog te zier 'n stijf harrek. Ver misse nog souplesse.



Bad Boys – Venaovend weurt op TVL de ierste BAD-boysfillem oet-gezónde. De twee kadees op de foto Jens Hoube en Ruben LOverix hange altied de stoere 'guys' oet en dörreve op e fieske al ins fungere as e wanna-be bodyguard.



Masked Singer – Niemes minder dan oze eigen Martijn (Nickmans) van de Raod, zaot ien het uilekestuum, alhoewel de look aevezier van e piepkuke kós zien. Iech hób de oetzending gemis, spieteg dat iech dich nit hób hure zinge.

Het tillevisieprogramma van de Hollense zenders vindt ger op pagina 22

ijsparadijs Lanaken
(vlakbij Zutendaal)
Molenbergstraat 1
3620 Lanaken
Gsm 0473 358 461

ijsparadijs Smeermaas
Ook broodjes!
Maaseikersteenweg 102
3620 Smeermaas
Tel/fax +32(0)89 76 66 56

Openingsuren
ma gesloten
di-za 14u tot 22u
zo 13u tot 22u

www.hetijsparadijs.be

Jouw event. ons talent!

G E V E N T S
Glenn Stassen / +32477 88 12 39
info@gsevents.be

Bart's
TATTOOSTUDIO
LA ONE KE
BARTZTATTOOSTUDIO

CultuurCafé Lanaken
Aan de Engelse Hof 10 • 3620 Lanaken
Tel. 089 739 853 • GSM 0477 414 578

Email cultuurcafelanaken@telenet.be
www.facebook.com/CultuurCafeLanaken

Stoet ien Laoneke

Alles euver de 52-ste
Bèssemkaravaan



- | | | |
|---|---|---|
| 1 Het böske van de pelies | 22 C.V. De Keuj Herderen | 46 C.V. De Batteraoffkes |
| 2 Plekkerkes | 23 C.V. De Doorzetters | 47 De Cuberdonnekes |
| 3 Het roet kruus | 24 K.V. Albanus 3 en C.V. de sjoemelere | 48 Tom & Sven |
| 4 De reklaamstoet | 25 Jus te Nève | 49 de twiefeleire |
| 5 De manne van de stoetcommissie | 26 CV. de Wottelzekskes | 50 C.V. de hesepristers |
| 6 C.V. De Snot-e-bellen | 27 Vrun zonder naam | 51 De Nuije Rijaloet |
| 7 Den oto van de preens | 28 K.V. de Snotnaze Uikhoven | 52 C.V. de Seffenère |
| 8 Heks Raod van Laon tot Aoike | 29 De Lèèglaiipers | 53 De Shelme |
| 9 Jeugdpreensegarde jeugdpreense Senna I & Junaut I - Raod van Laon tot Aoike | 30 De Gaasgevers | 54 C.V. knatsigek |
| 10 Proonkwaogel jeugdpreense Senna I & Junaut I - Raod van Laon tot Aoike | 31 Orde der Asserbakken | 55 Gelliker Galliaen |
| 11 Einzelganger Jos Tollenaers | 32 Hofkapel Vreugd in Deugd Zussen | 56 C.V. De Taffellere |
| 12 C.V. Yin Yang | 33 C.V. T kuump good | 57 K.V. De Duveltjes oet Neerharen |
| 13 C.V. De inkbiegelkes oet stokkem | 34 Johnny & zwip | 58 K.V. De Duvelkes oet Neerharen |
| 14 Kon. Harmonie Weergalm der Maas | 35 C.V. De Foefelère | 59 Biestig good oet rekem |
| 15 C.V. De party narren | 36 C.V. De Sjoester | 60 C.V. just op tied |
| 16 C.V. De Boeddha's | 37 K.V. De Brikkebekkers | 61 K.V. De Doorbieters |
| 17 Discothèque k 2000 C.v.de.wonck | 38 C.V. de Fluiters | 62 De Klungelère |
| 18 C.V. Grens plezeer | 39 Van Alles Get VZW | 63 C.V. Sjut ien & Zoep oet |
| 19 C.V. De Jipie's Schakkebroek | 40 d'n Örgelman | 64 Preensegarde ZDH Preens Jürgen de tweede - Raod van Laon tot Aoike |
| 20 De jongens vd garage (Hier-Mestr) | 41 C.V. De Plateaukes | 65 Proonkwaogel ZDH Preens Jürgen de tweede - Raod van Laon tot Aoike |
| 21 De Einzelgänger Familie | 42 De Dolle Schakels cv | 66 Alle Kermelleraopende Kinder |
| | 43 C.V. Bocco Locco | 67 Het gemeentepersoneel |
| | 44 C.V. De Eierdöpkes | |
| | 45 Carnavalscomité Smeermaos Alaaf | |



Program vur de karnevalsdaag

■ **Dónderdeg 12 fibrewari** • Alaaftrap ten veurde-ile van de jeugdpreense ien het Cultuurcafé.

■ **Vriedeg 13 fibrewari** • Kinderstoet met de sjaole en het oplaote van de heks aan het gemeentehoes. Machseuverdrach van het preensetrio op het gemeentehoes van Laoneke (allein mèt oetnudeging).

■ **Zaoterdeg 14 fibrewari** • Kinderzitting ien het CCL vanaaf 14:11 oor. Café de Heksesjans ien het CCL vanaaf 20:11 oor.

■ **Zóndeg 15 fibrewari** • Grandioze Bèssemkaravaan inclusief reklaamstoet door de straote van 't Hekseriek Laoneke. Nao de stoet straotkarneval.

■ **Maondeg 16 fibrewari** • Kroegetochte ien Laoneke door de Laoneker karnevalsgroepen, hermeniekes en ander vastelaovensgekke.

■ **Deensdeg 17 fibrewari** • Daog van de heks met as apotheose de heksverbranning op het Kèrrekplein um 23:11 oor.

■ **Woonsdeg (asgoonsdeg) 18 fibrewari** Nao het hole van een assekruike bij de pestoer kint ger allemaol 'nen hiering goon biete ien de Laoneker karnevalscafés.

CAFE FITNESS

Kerkplein 5 • 3620 Lanaken • 089 71 74 47
fitnesstraffic@skynet.be • www.fitnesstraffic.be



MARION RUETTE
0494 23 80 86
MR@GUNTERHUYSMANS.BE

GUNTER HUYSMANS
0476 59 60 06
GH@GUNTERHUYSMANS.BE

JAN ROSIERLAAN 8 • 3620 LANAKEN
TEL.: 089-72 37 54 • FAX: 089-72 37 55
BTW: BE0641.972.823 • FORTIS: 001-7681474-23
REG.Nr. ITAA 50.511.738



Dagelijks Bankieren - Beleggingen - Verzekeringen - Kredieten - Business

Stationsstraat 12, 3620 Lanaken
E-mail: AG047845@mandat.belfius.be - Telefoonnummer: 089/73.01.80

CHAPEWERKEN

Smeets

Molenbergstraat 1
3620 Lanaken
BE 0862 035 238

tel.: 0477/610244
woutersmeets@skynet.be



Europark 114 / 3814 - B-3620 Lanaken
Tel. +32 89 41 22 48 - Fax: +32 89 49 15 58
e-mail: info@meers-transport.be

www.meers-transport.be



Bow en interijör achter ein deur

Nijverheidslaan 24
3630 Maasmechelen



installatiewerken elektriciteit, sanitair, ventilatie en verwarming

info@gctechnik.be • www.gctechnik.be



Wenst iedereen een fijne vastelaovend!

Silmaco -
Silicates
Manufacturing
Company

is the partner for high-quality customized silicate. Our focus on innovation and quality guarantees your company the best silicate for your application.



Silmaco,
your
partner for
customized
silicate

SILMACO
SILICATES MANUFACTURING COMPANY

SILMACO NV • Industrieweg 90, 3620 Lanaken
Tel: +32 89 730 222
info@silmaco.com • www.silmaco.com



KLOKSTRAAT 6 - 3600 GENK - T 089 35 30 35
WWW.PASTABAR-GG.BE